

14

15

M



DISPUTATIO
THEOLOGICA
DE
SVCCESIONE
EX TESTAMENTO
ET AB INTESTATO

PRÆSIDE

JACOBO ILLSUNG

Societ. Jesu Theol. Moral. & Con-
trovers. Professore Ordinario,

Publicè propugnata

A

Rever. & Doctiss. Domino

GREGORIO CISTL

Theol. Moral. Controvers. ac
Philosophiæ Cand.

Augustæ Vindelicorum,

A N N O M. DC. LXX.

Cum facultate Superiorum.

Typis
Simonis Uzschneider.



PRÆNOBILI AC STRENUO
DOMINO, D.

JOANNI
FRANCISCO
IM HOFF

REIPUBL. AUGUSTANÆ
SENATORI, ACCISO-
RUM QUÆSTORI, ANNONÆ
ac rei Bellicæ Præfecto.

Domino meo Observandissimo.



*Q*uod Aug.^{mi} Imperatores
Honorius ac Theodosius te-
stamenta condentibus privi-
legium clementer concess-
erunt, L. Omnium C. de test. ut prin-
cipis ejusve locum tenentis auctoritate
omnes in ijs solennitatis defectus supple-
re valeant, id per PRÆNOB. DO-
MINAT. TUAM æquali jure me affecu-
turum, non minori fiducia mihi promit-
to, ut scil. si contra testandi leges vel in
his Tabulis meis, vel in publico, quod
Tuis

Tuis Auspiciis suscepi , certamine
peccavero, omnia mihi errata, vel bene-
volè condonentur, vel favore T V O
minimè vitio vertantur. Fateor enim
ex illorum me numero esse, qui apud
Philosophum l. Polit. c. i v. 2. in Pa-
trefam. domi suæ jura dante Regis aut
Principis imaginem venerantur ; in
quam sententiam tum aliæ T u æ
Virtutes, tum Singularis erga me Cle-
mentia ac Munificentia animum me-
um induxerunt , quarum illà in Tuis
obsequiis me, licet indignum, longo jam
tempore inter Domesticos sustinuisti,
istà verò plurimā in me beneficia ac
favores gratiosè contulisti, inter quos
hic ipse quoque memori mente cele-
brandus est, quòd meum de hæredum
Successione libellum , vel si ejus exi-
guitatem spectem, codicillum non solum
ad venerandus T U A S manus à me hu-
militer deponi permiseris , sed etiam
omnes in confectiōnem illius faciendos
sumptus liberaliter Suppeditare volue-
ris. Quia autem tenuitatis meæ con-

*scius tanta mihi prestita gratia impa-
rem me agnosco; ideo aliorum testato-
rum more, sua, cum ad Divinum con-
spectum admissi fuerint, testamento-
rum suorum Patronis aut exsecutori-
bus suffragia pollicentium, PRÆNOB.
DOMINAT. TUÆ AC TUORUM me
quoque in SS. Sacrificiis ac precibus
meis cum grata beneficiorum omnium
recordatione constanter memorem fo-
re, fidei & obsequiosa cum observan-
tia promitto*

**PRÆNOB. AC STRENUÆ
DOMINAT. TUÆ**

**Obligatissimus & ad obsequia
paratissimus**

**Gregorius Cisti,
Sacerdos.**

Prooemium.

Quia rerum temporalium jura ac dominia vel per contractus, vel per hæreditarias Successiones inter homines transferuntur; propterea conscientiarum moderatoribus, ad quorum Sacrum Tribunal plurimæ juris causæ devolvuntur, rem utilem nos facturos speravimus, si ea, quæ tum ob aliarum doctrinarum copiam, tum ob temporis brevitatem, in pub. lectionibus tradere nequivimus, duplici disputatione, & hac quidem Successionum, aliâ verò contractuum jura in lucem & pub. certamen afferremus.

C A P U T I.

Quid sit Testamentum & quomodo differat ab aliis ultimis voluntatibus.



Estamentum in L. 1. ff. qui testamenta facere possunt, definitur: *Voluntatis nostra iusta Sententia de eo, quod quis post mortem su-*

am fieri velit: quæ definitio, ne aliis ultimis voluntatibus, nempe codicillo, legato, fideicommisso communis sit, explicari vel expleri debet adjectis his verbis: *cum directæ hæredis institutione*: hæc enim institutio, utpote Sententia præcipua, & principaliter significata, vel in definitione sub intelligitur, vel denotatur per particulam *iusta*, quæ teste Bartolo ex mente Ulpiani hic idem significat, ac *perfecta*: perfecta autem Sententia non est, nisi hæres bonorum universalis instituatur, quod directè, & per se, id est, secluso privilegio Militibus concessio in *L. Militis Codicillus ff. de Testamento Militis* solo codicillo fieri non potest, qui propterea, quòd tantum sit imperfecta voluntas, adhibitus non ad instituendû hæredem, sed ad aliquid in testamento explicandum, mutandum, addendum, detrahendum, assignandum legata, vel fideicommissa, parvus codex, seu codicillus dicitur: Unde si per illum hæres extraneus instituatur, is solum habet vim Substitutionis fideicommissariæ & institutionis indirectæ, quatenus hæres ab intestato tenetur alteri tradere hæreditatem, retentâ tamen quartâ ejus parte (nisi hæreditas illa sit disposita ad causam piam *iuxta Authent. Similiter C. ad legem Falcidiam*) vel retentâ legitimâ, si hæreditas exclusis liberis in alium

Quid sit Testamentum. 3

um transferatur. Itaque codicillus est *Voluntatis nostræ imperfecta Sententia de eo, quod quis post mortem suam fieri velit.*

Duplici autem ratione codicillus dicitur imperfecta Sententia, primò quia ex natura sua non est directa institutio hæredis, sicut etiam per illum hæreditas neque adimi potest instituto hæredi, neque nova conditio eidem injungi, neque alius ipsi directè substitui, ut habetur §. 3. *Instit. de Codicillis.* Secundò, quia minor ad illum, quàm ad testamentum solennitas requiritur, & hæc quidem in Codicillo non est necessaria ad valorem, sed tantum ad probationem. Vnde si hæres fateatur voluntatem testatoris fuisse, ut legatum, aut fideicommissum alteri tradatur, vel si illam cum juramento negare non audeat, codicillus etiam sine debita solennitate vim obligandi habet tam in foro externo, quàm in conscientia hæredis, ut statuitur in §. ult. *Instit. de fideicommissariis hereditatibus, & L. questionem C. de fideicommissis.* In testamentis verò solennitas secundum probabiliorem mihi sententiam postea comprobendam ad substantiam actûs ejusque formam essentialem, ac valorem spectat.

2. Aliæ ultimæ voluntates à testamento & codicillo non distinguuntur, nisi tanquam inclusum ab includente; quia aliter

vim non habent, nisi virtute testamenti, aut codicilli, eæque tres enumerantur, nempe substitutio, fideicommissum, & legatum. Substitutio in genere definitur à Molina disp. 182. unius aut plurium in alterius, aut aliorum locum ad rem aliquam in ultima voluntate facta vocatio. Dividitur in directam, de qua primum dictæ enumerationis membrum intelligendum est, & indirectam, quæ ad fideicommissum revocatur. Directa est, vi cuius sine ministerio alterius, transferentis suum jus, substitutus in bona defuncti succedit alterius loco. V.g. Testator dixit: Titius hæres esto, quòd si is noluerit, vel non potuerit, Cajus esto hæres. Hæc iterum subdividitur in vulgarem, pupillarem, exemplarem, compendiosam, reciprocam. Vulgaris est, quâ quis absque speciali privilegio hæredem sibi substituit: Pupillaris est, qua Pater filio impuberi, adeoque intestabili, in sua potestate constituto (qualem mater non habet) hæredem substituit, adeoque locò filii testamentum facit, quod Patri concessum est etiam de illis bonis, quæ filio impuberi aliunde obtigerunt: & quia huiusmodi testamentum pupillare non tam filii nomine, quàm Patris proprio fit, & simpliciter paternum est, ideo non tenetur Pater legitimam Matri relinquere, quam aliàs debet

Quid sit Testamentum.

5

debet filius carens liberis. Ambæ Substitutionum species illud etiam peculiare habent, ut vulgaris explicita habeat sibi implicitè annexam pupillarem, ita ut substitutus filio, si ille noluerit, vel non potuerit adire hæreditatem, adhuc succedat, etiamsi filius adiverit hæreditatem, modò is deinde ante pubertatem moriatur, & vicissim pupillaris explicita habeat implicitè annexam vulgarem, ita ut substitutus filio, si is impubes moreretur, Succederet immediatè in hæreditate paterna, si filius non quidem ante pubertatem mortuus esset, sed eâ obtentâ hæreditatem adire non luisset: quod si tamen Pater filio legitimè exhæredato pupillariter substitueret, in hoc solo casu substitutio pupillaris daretur sine vulgari, quia illi vulgariter substitui nemo dicitur, qui hæres scriptus non est.

Substitutio exemplaris, seu quasi pupillaris est, quâ Pater aut Mater substituit hæredem filio mente capto, sive puberi, sive impuberi, juxta Privilegium legis, *humanitatis C. de impuberum, & alius substitutionibus*, modò ipsi filio legitima relinquatur juxta eandem legem. Vnde licet substitutio hæc sit ad exemplum substitutionis pupillaris, ex quo nomen habet, proprium tamen ipsi est, ut filio exhæredato exemplariter substitui non possit, & ut Ma-

A 5

ser

ter simile jus habeat, quia potestas facien-
di testamentum locô filii dementis non
provenit ex potestate jurisdictionis, sed ex
Privilegio legis. Substitutio compendio-
sa est, quæ plures substitutionum species
pro diversis temporibus, verbis saltem ge-
neralibus expressas, continet, ut si dicas:
Instituo hæredem filium meum, cui quo-
cunque tempore morietur substituo Mæ-
vium. Si ergo filius noluerit adire hære-
ditatem, est substitutio vulgaris, si in æta-
te pupillari fuerit mortuus, est pupillaris,
si pubes decesserit, est fideicommissaria, si
ameus, est exemplaris. Substitutio reci-
proca est, qua hæredes sibi invicem sub-
stituuntur, ita ut si unus noluerit, vel non
potuerit adire hæreditatem, ejus portio a-
lii, vel aliis accrescat: atque hæc etiam
breviloqua vocatur.

3. Substitutio indirecta est, vi cujus ex mi-
nisterio unius, transferentis jus suum in
alterum, hic illi succedit; unde instituto
succedit immediatè, & testatori mediatè.
v. g. Testator ita fecit testamentum: Ca-
jus hæres esto, quem volo, ut moriturus
hæreditatem meam cedat Mævio; sed hæc
species substitutionis non distinguitur à
fideicommisso, unde fideicommissum nihil
aliud est, quam Substitutio indirecta, gra-
vans alterum immediatè succedentem, vel
ad

ad restituendam totam hæreditatem alii, & tunc dicitur fideicommissum universale, vel ad restituendam ejus partem, & sic dicitur fideicommissum particulare.

4. Legatum, prout definitur *Instit. de Legatis §. 2.* Est donatio quædam à defuncto redicta, & ab hærede præstanda. *Donatio* generis locò, & latè accipitur pro quacunque donatione gratuita: additur *quædam*, tanquam particula restringens hæreditatem solum ad partem; unde legatum à fideicommissio universali distingui ur, per ultima verba autem *ab hærede præstanda* discernitur à donatione causâ mortis, quæ nõ necessariò ab hærede præstari debet: hinc si res prius legata à testatore ante mortem tradatur, revocabiliter quidem, legatum in donationem causâ mortis transit. A fideicommissio particulari legatum vi allatæ definitionis distinguere opus non erat, quia hodie utraque æquiparantur *L. 1. ff. de legatis 1. junctâ Gl. 5. §. sed non usque Inst. eod. tit.* In re autem hoc discrimen assignari posset, quòd jus fideicommissi particularis semper mediatè transeat ad fideicommissarium, jus legati autem plerumque immediatè transeat ad legatarium; quando nimirum res determinata, & non primum ab hærede determinanda, purè, & absolutè legata est: tunc enim dies legati,

ter simile jus habeat, quia potestas facien-
di testamentum locò filii dementis non
provenit ex potestate jurisdictionis, sed ex
Privilegio legis. Substitutio compendio-
sa est, quæ plures substitutionum species
pro diversis temporibus, verbis saltem ge-
neralibus expressas, continet, ut si dicas:
Instituo hæredem filium meum, cui quo-
cunque tempore morietur substituo Mæ-
vium. Si ergo filius noluerit adire hære-
ditatem, est substitutio vulgaris, si in æta-
te pupillari fuerit mortuus, est pupillaris,
si pubes decesserit, est fideicommissaria, si
amens, est exemplaris. Substitutio reci-
proca est, qua hæredes sibi invicem sub-
stituuntur, ita ut si unus noluerit, vel non
potuerit adire hæreditatem, ejus portio a-
lii, vel aliis accrescat: atque hæc etiam
breviloqua vocatur.

3. Substitutio indirecta est, vi cujus ex mi-
nisterio unius, transferentis jus suum in
alterum, hic illi succedit: unde instituto
succedit immediatè, & testatori mediatè.
v. g. Testator ita fecit testamentum: Ca-
jus hæres esto, quem volo, ut moriturus
hæreditatem meam cedat Mævio; sed hæc
species substitutionis non distinguitur à
fideicommissò, unde fideicommissum nihil
aliud est, quam Substitutio indirecta, gra-
vans alterum immediatè succedentem, vel
ad

Quid sit Testamentum. 7

ad restituendam totam hæreditatem alii, & tunc dicitur fideicommissum universale, vel ad restituendam ejus partem, & sic dicitur fideicommissum particulare.

4. Legatum, prout definitur *Instit. de Legatis §. 2.* Est donatio quædam à defuncto redicta, & ab hærede præstanda. *Donatio* generis locò, & latè accipitur pro quacunque donatione gratuita: additur *quædam*, tanquam particula restringens hæreditatem solum ad partem; unde legatum à fideicommissio universali distingui ur, per ultima verba autem *ab hærede præstanda* discernitur à donatione causâ mortis, quæ nõ necessariò ab hærede præstari debet: hinc si res prius legata à testatore ante mortem tradatur, revocabiliter quidem, legatum in donationem causâ mortis transit. A fideicommissio particulari legatum vi allatæ definitionis distinguere opus non erat, quia hodie utraque æquiparantur *L. 1. ff. de legatis 1. junctâ Gl. Et §. sed non usque Instit. eod. tit.* In re autem hoc discrimen assignari posset, quòd jus fideicommissi particularis semper mediatè transeat ad fideicommissarium, jus legati autem plerumque immediatè transeat ad legatarium; quando nimirum res determinata, & non primum ab hærede determinanda, purè, & absolutè legata est: tunc enim dies legati,

A 6

ut

ut juristæ loquuntur, cedit, id est, incipit, à die mortis (vel à die aditæ hæreditatis, si legatus sit ususfructus, aut libertas) ita ut Legatarius post obitum legantis, statim habeat reale jus in legatum; nisi ipsi sponte renuntiet; & licet id non possit exigere ante aditam hæreditatem, quia debet exigere ab hærede, qui completè primùm constituitur, quando adit hæreditatem, eo tamen constituto, potest exigere, quando-
cunque vult, & si morte præveniat, nisi legatus sit ususfructus, qui morte legatarii finitur (idem est de usu, & habitatione juxta, Gl. in legem mox citandam) transmittit suum jus ad hæredes *L. unica §. cum igitur, & §. in novissimo C. de caducis tollendis.* si verò res legata primùm ab hærede est determinanda, vel si sub conditione contingenter futurâ legata est, tunc quidem hæres *juxta cit. legem §. sin autem* acquirit immediatum jus in totam hæreditatem, sed est gravatus legatariis, vel ejus hæredibus rem à se determinatam debito tempore tradere, vel conditionis impletionem expectare, eâque positâ legatum reddere, nisi legatarius ante conditionis eventum moriatur; tunc enim res legatario nunquam absolutè debita, etiam hæredibus debita fieri nequit.

C A P U T I I.

Quæ conditionum solennitas,
& quo modo requiratur ad reddendum Testamentum, aut codicillum validum.

5. **A**D solennitatē testamenti sequentes potissimum conditiones spectant. Primò quando est testamentū scriptum, debet testator vel per se, vel per alium à reliquis testibus diversum, & nominatim etiam expressum, atque in præsentia cæterorum omnium vices suas agentem in testamento scribere, tum nomen hæredis, juxta *Authent. & non observato eo C. de testamentis, & Novell. 119 c. 9.* tum proprium suum nomen, singulis quoque testibus suum, ac rursus testatoris nomen juxta *L. penult. ff. qui testamenta facere possunt*, subscribentibus, & proprium sive alienum Sigillum idem, vel diversum, apprimentibus (modò in Bavaria major pars utatur proprio Sigillo, & altera scripto exprimat, se usam alienò) *L. hac consultissima Cod. de testamentis unctò §. sed cum paulatim, & seq. Instis. eodem* : quamvis si testator instrumentum voluntatis suæ propria manu conscripserit,

scripsit , vel singulorum testium nomina subscripsit, idque à se factum esse expressit, secluso privato jure Bavarix , vel imperii consuetudine, necesse non sit, ut testator propriâ, vel aliena manu suum iterum nomen subscribat *L. cum antiquitas C. de testamentis.*

6. Secundò debent in casibus non exceptis adhiberi simul septem testes idonei, id est, non furiosi, nec muti, nec surdi, nec prodigi, nec infames, qui præterea sint mascululi, puberes, liberi, rogati, seu vocati, ita ut non sufficiat casu esse præsentés, nisi insuper ad gerendum officium testis invitentur, & testatorem videant, ac audiant, inter quos nequit assumi ipse hæres (legatarius tamen, & fideicommissarius particularis non excluditur §. *Legatariis autem Instit. de testamentis ordinandis*) neque testatoris, vel hæredis domestici, quorum scil. alter in alterius, vel ambo in tertii sunt potestate, adeoque ante emancipationem ad testandum non admittuntur, Pater, filius, vel frater hæredis, aut testatoris, ita ut neque in testamento de bonis castrensis filii fam. valeat Patris testimonium §. *in testibus Instit. de testament.* quamvis huic videatur aperte contradicere Lex, qui testamento §. 2. ff. qui testamentum.

7. Præ-

Quæ sol & quo modo req. 11

7. Prædictus tamen testium numerus, & qualitas, non est necessarius inprimis in testamento ad pias causas, & in terris temporali jurisdictioni Papæ subjectis (ac juxta particularem consuetudinem etiam in aliis quibusdam v. g. in Gallia, Venetiis, Viennæ Austriæ) prout in *Gl. cap. cum esset de testamentis* explicatur mens Alexandri III. statuentis, ut in testamentis sufficiant duo vel tres testes cum Parocho, cujus quoque vices ab aliis duobus testibus suppleri posse communiter dicunt DD. teste Laym. l. 3. tract. 5. c. 2. n. 18. referente Covar. Clarum, Mascard. Mol. disp. 133. ubi ex communi Sententia advertit, in causis piis neque præsentiam Parochi necessariam esse, sed duos solummodo testes sufficere *juxta cap. Relatum 1. de testamentis*. Secundò immune est à statuto testium numero ac qualitate testamentum, quod à Patre vel Matre, aliòve cuiusvis sexûs ascendente, inter liberos conditum est, in quo duo testes sufficiunt, *juxta L. Gl. C. familia eriscunda*, quod DD. communiter admittunt, etiam quando Liberis inæquales partes assignatæ sunt; quia aliàs privilegium nullam haberet vim, & frustraneum esset testamentum, si omnes sicut ab intestato deberent æquales portiones recipere. Hoc Privilegio, quo gaudet testamentum ascendentium in

favo.

favorem liberorum non vicissim suppletur defectus Solennitatis debitæ in testamento descendendum pro ascendentibus condito, ut monet Clarus §. testamentum q. 12. n. 6. Mol. disp. 128. Laym. loc. cit. n. 13. quia in jure nihil de mutua Privilegii participatione statutum est. Tertiò excipitur à communi testium numero, & qualitate, testamentum militis, qui in extrema necessitate constitutus, quocunque modo manifestata voluntate hæredem instituere potest, duobus etiam non rogatis testibus ad faciendam fidem sufficientibus: ut constat ex *L. Milites sancta Gl. Versu sub ipso tempore C. de testamento Militis. Et L. Lucius ff. eodem.* extra necessitatem tamen extremam requiri duos testes rogatos, masculos, aut fœminas indicatur in cit. Gl. & à Iulio Claro q. 58. Mol. disp. 129. Laym. loc. cit. n. 14. patetque ex lege *Disum ff. de testamento Militis.* Cæterùm hujusmodi testamentum, in militia factum valet etiam, si testator eâ desertâ intra annum moriatur, ut dicitur §. *sed hætenus Instit. de Militari testamento;* eodem Militis privilegio gaudent omnes existentes in castris, etiam si milites non sint, modò castra sint in terra hostili *L. unica ff. de bonorum possessione ex testamento Militis.* Quartò consueta testium Solennitas suppletur Authoritate Prin-

Quæ sol. & quo modo req. 13

Principis vel Iudicis, quando instrumentum ultimæ voluntatis ipsi traditur *L. omnium C. de testamentis*. Quinto conceditur rusticanis hominibus in *L. ult. C. de testamentis*, ut quando septem testes haberi non possunt, quinque sufficiant, qui de agnita testatoris voluntate juratum testimonium præbeant: imò etiam, si fieri possit, suum nomen singuli vel per se, vel per alium contestem subscribant. Quod Privilegium Baldus l. fin. n. 1. C. de testam. & quidam alii, quos sequitur Iul. Clar. q. 56. contra communioem, ut ipse fateatur, ad casum necessitatis pestis tempore extendunt; imò duos testes apud Camerâ Imperialem sufficere testantur Ioach. Mynsinger, & Andr. Gaill. apud Laym. eò quòd ad fidem faciendam plures necessarii non sint; lex autem positiva plures requirens in necessitate vim suam amittat; unde est illud vulgatum: necessitas non habet legem; sed hoc axioma, etsi in lege directiva verum sit, non tamen est in lege irritante, vel præscribente formam ad valorem actûs: unde seclusâ consuetudine contrariâ, spectando juris rigorem, & expressam constitutionem legis citatæ omnino necessarius est numerus testium ordinarius, & in illa tantum remittitur obligatio, ut propter periculum contagionis necesse non sit, omnes testes simul

simul vocare, sed possint vocari successive. Atque ex his patet, quare initio secundæ conditionis ad solennitatem requisitæ apposuerim hæc verba: *in casibus non exceptis*

8. Tertiò denique debet in testamento scripto totum negotium, quod coram testibus peragendum est, uno continuo tractu nempe eodem loco, tempore, & absque alterius longioris negotii interpositione peragi juxta *L. hac consultissima* & *L. cum antiquitas C. de testamentis*.

9. Eadem ferè conditionum Solennitas requiritur ad testamentum nuncupativum, ut vocant, nisi quod in illo nulla scriptio vel subscriptione opus sit: cum propterea jure introductum fuerit, ut etiam imperiti litterarum illo uti possint: quamvis in negatione Scripturæ non consistat essentialis differentia testamenti nuncupativi à scripto: unde si scriptum deficiat in aliqua conditione essentiali, ad nuncupativum non necessariâ, huius deinde naturam, ac valorem sortitur, etiamsi id non exprimat in clausula: imò valde utile est ad faciliorem probationem, si etiam in nuncupativo testamento Scriptura à publico Notario facta adhibeatur. Itaque discrimen non in negatione Scripturæ, sed in necessitatis ejusdem negatione, & probabilius etiam in co-

possi-

Quæ sol. & quo modo req. 15

positum est, quòd nuncupativum testamen-
tum debeat fieri per nuncupationem, seu
manifestationem hæredis, scriptum autem,
etsi non excludat, tamen non exigat ejus
manifestationem; quia propterea plerum-
que usurpatur confectio testamenti scripti,
ut hæres in eo expressus testes possit late-
re: adeoque hoc discrimine admissio con-
tra Iulium Clarum q. 4. & 36. Molin. disp.
127. aliòsque ab ipsis relatos, negandum
est cum Gab. Vasq. Card. de Lugo, Cl. Dn.
Arnoldo Rath th. 9. quos refert, & sequi-
tur R. P. Christ, Haunoldus p. 3. th. de di-
spositionibus lucrativis §. 2. n. 14. seclusâ
particulari quorundam consuetudine se-
cundùm rigorem juris expressi in constitu-
tione Maximiliani I. Anno 1512. & in L.
Iubemus. C. de testamentis. valere testa-
mentum nuncupativum, si hæres neque per
expressionem nominis, neque per aliam in-
dubiam descriptionem, sed v. g. per solam
relationem ad schedam, ab aliquo asserva-
tam testibus manifestetur: aliàs testamen-
tum scriptum nullam ampliùs haberet spe-
cialem utilitatem præ nuncupativo, & si
occultato hæredis nomine illud sortiretur
rationem testamenti nuncupativi, inutilis
esset solennitas subscriptionis, ac obigna-
tionis &, quod inde sequitur etiam ipsa
testa-

testamentum scriptum, ad quod illa solennitas est necessaria: nam in valore testamenti nuncupativi idem effectus obtineretur.

10. Tanta autem Solennitas non est necessaria ad codicillum (nisi conditus sit à cæco *L. hac consultissima C. qui testamenta facere p. ssunt*) præter reliquas causas etiam propterea institutum, ut personæ alioquin testabiles eo uti possint ad supplendum defectum testamenti, si appositâ huiusmodi clausulâ testatoris voluntas formaliter, vel æquivalenter exprimatur: nempe, *si hoc testamentum non valet iure testamenti, valeat iure codicilli vel, valeat modo, qui potest: seu, meliori modo*: imò in reverentiam juramenti à testatore editi juxta *L. cum Pater §. filius Matrem ff. de legatis 2.* & in reverentiam parentum in testamento erga Liberos juxta *L. in testamento juncta Gl. Vers. debuisse ff. de fideicommissariis libertatibus*, tacitè subintelligitur huiusmodi clausula. Requiritur itaque ad faciendam fidem codicillo in foro externo præsentia quinque duntaxat testium, etiamsi nec masculi, non rogati sint, qui tamen in codicillo scripto etiam subscribere debent *L. fin. §. 3. C. de codicillis*: imò pauciores testes sufficiunt respectu testatorum privilegiorum, quos suprâ recensui. Notandum est

Quæ sol. & quo modo req. 17

est etiã, posse codicillum unum, vel plures, modò contrarii non sint (aliàs prior à posteriore revocaretur) cum vel sine testamento, ante vel post illud confici, vel etiam in illo includi, quo in casu sine alia solennitate confirmatur solennitate testamenti illum continentis. Ad alteram quæstionem, quomodo nim, prædictæ conditiones requirantur, diversis conclusionibus respondendum est. itaque

II. Dicendum 1. In quacunque dispositione ad causas pias præter præsentiam duorum testium, sive masculorum sive foeminarum, nullam aliam solennitatem requiri. Vnde etiam si testamentum ad causas profanas ob defectum debitæ solennitatis esset invalidum, valerent saltem pia legata in eodem contenta, & hæc legata ad causas profanas habentis jus ad eas disponendi, essent invalida, propter valorem testamenti ad pias causas coram duobus testibus conditi etiam ipsa convalescerent. Conclusio teste Iul. Cla. q. 6. & Mol. disp. 134. defenditur à DD. communiter, & probatur ex cap. *Relatum 11. de testamentis*: ubi plus non requiritur, & expressè derogatur legibus civilibus in ordine ad causas pias, in quibus jus Can. potestatem habet derogandi, utpote ad salutem animæ testatoris spectantibus; hoc enim intelligitur per

per causas pias; unde ille ad pias causas disposuisse censendus est, qui dixit: relinquo heredem bonorum meorum animam meam. Primum conclusionis illatum patet ex cit. cap. quod universaliter loquitur de omnibus relictis Ecclesiæ, & ob paritatem rationis, de aliis piis causis quibuscunq; ut cum Mol. loc. cit. & Covarr. in cap. Relat. n. 3. plurimi docent.

Secundum verò illatum, confirmatur ex illo vulgari accessorium sequitur principale, nisi illi specialiter derogetur. éstque iterum commune, ut videre est apud Covar. in cit. cap. Iulium Clarum q. 6. Mol. loc. cit.

12. Dicendum 2. duos testes in foro conscientiæ, imò etiam in foro externo necessarios non esse, quando aliunde indubitatè constat, de voluntate non retractatâ testatoris disponentis ad causam piam. Ita contra opinionem olim communem teste Iulio Claro q. 7. quam etiam ipse pro foro externo ut verò similiorem, non tamen ut pro foro interno suadendam, recipit, sentiunt Mol. Less. & hoc teste plerique Theologi. Probatur: quia dispositiones ad causas pias non subsunt legibus civilibus, leges Canonice autem, si quæ aliquam Solennitatem præter id, quod jure naturali necessarium est, ad valorem actûs ulterius

Quæ sol. & quo modo req. - 19

exigerent, eæ essent cap. *cum esses* & cap. *relatum* 11. de testamentis. atqui prius cap. tantum loquitur de dispositionibus ad causas non pias in territorio Papæ factis, posterius verò tantum loquitur de foro externo, quomodo iudicibus in dispositionibus ad causas pias procedendum sit, quando neque ex indubitato manuscripto testatoris, neque ex confessione hæredis constat de voluntate testatoris. Vnde in cap. *inclinante de testamentis* propter confessionem solius mariti monasterio jubetur tradi scutella aurea ab uxore nudis verbis legata. Et licet cap. *cum esses*. Solennitatem testium ibidem requisitam juxta communem Sententiam, & verborum satis apertum Sensum videatur pro firmitate, & valore testamenti exigere, cap. *Relatum* verò immediate subsequens dicat secundum decretorum statuta procedendum esse, per hoc non alludit ad cap. *cum esses*, nihil decernens circa causas pias, sicut non exigat alias condiciones ejusdem cap. v. g. præsentiam Parochi, sed referendum est ad alia decretorum statuta.

13. Hinc infertur primò, quòd si ipse hæres immediate, vel ex manuscripto novit voluntatem testatoris, teneatur illam exsequi, quamvis defuerit omnis Solennitas: uni tamen testi, etiam omni exceptione

ne

ne majori, non tenetur fidem adhibere, ut
 expresse declaratum est in cap. *licet univer-*
sis cap. Veniens cap. à nobis de testibus, &
attestationibus: cujus rationem assignat
 Laym. lib. 3. tract. 5. c. 2. n. 4. quod op-
 posita obligatio, utpote fraudibus plurimis
 obnoxia, damnoſa eſſet generi humano;
 propterea etiam Christus Dominus Matth.
 18. dixit, *In ore duorum, vel trium testium*
ſtet omne Verbum. &c.

Infertur ſecundò cum Mol. diſp. 134.
 ſi teſtator quidpiam in abſentia teſtium
 alicui dediſſet expendendum ad cauſas pi-
 as, cum teneri, ita expendere, ſi abſque
 ſuſpicionem furti, vel alio proprio gravi da-
 mno poſſit.

Infertur tertio teſtamentum ad pias
 cauſas factum per nutus (quo modo ad
 profanas communiter dicitur fieri invali-
 de) vel factum cum commiſſione ad arbi-
 trium alterius (quod captatorium dicitur,
 & ad cauſas profanas communiter invali-
 dum) juxta cap. *cum tibi de teſtamentis.*
 omnino validum eſſe, etiamſi, ut obſervat
 Iul. Clar. q. 6. n. 6. teſtator tantum in ge-
 nere dicat, ſe committere diſpoſitionem
 omnium ſuorum bonorum Titio, jam enim
 ad piam cauſam diſponere ſupponitur.

Infertur quarto, legata ad pias cauſas
 nondum aditâ, imò etiam repudiata hære-
 di-

Quæ sol. & quomodo req. 21

ditate jam deberi. Ratio omnium est; quia præter indubiam notitiam voluntatis testatoris nulla in piis causis juris solennitas requiritur.

14. Dicendum tertio, in terris temporali jurisdictioni Papæ subjectis pro valore testamenti ad causas profanas, adhibendos esse ad minimum duos testes, sive masculos, ut vult Covarr. in cap. cum esses n. 14. sive foeminas, ut Panorm. ibid. & Mol. disput. 133. existimant sufficere, & insuper proprium Sacerdotem; cujus tamen vices possunt supplere duo alii testes, ut DD. à Julio Claro q. 57. relati, & alii communiter docent; conclusio est communissima, & clare expressa in cap. cum esses de testam. quod cum non possit intelligi de testamentis ad causas pias, ut quidam apud Mol. volebant (nam in illis non requiritur præsentia Parochi, ut constat ex cap. Relatum) neque de testamentis ad causas profanas extra territorium Papæ, qui leges civiles non solet immutare, quando non præjudicant utilitati spirituali fidelium, reliquum est, ut de testamentis in territorio Papæ conditis intelligatur, in quo etiam erat civitas, & Episcopus Hostiensis, cui citati capituli decretum fuerat transmissum.

15. Dicendum quarto in terris, utentibus jure imperiali, testamenta ad causas profanas ex defectu unius conditionis ad solennitatem jure civili requisitam, speculative lo-

quam



quando probabilius non tantum in foro externo, sed etiam interno, extra casus jure specialiter exceptos, irrita esse; quamvis practice propter probabilitatem extrinsecam ab Auctoritate proveniente utramvis Sententiam sequi liceat, quamdiu à judice ad finiendam litem hæreditas nulli parti determinatè adjudicatur. Ratio assertionis speculativè probabilioris est, quia in *L. hac consultissima C. de testamentis*. post constitutas solennitates testamentum iisdem destitutum expressè irritum, & non primum à judice irritandum decernitur his verbis: *Ex imperfecto autem testamento Voluntatem tenere defuncti, nisi inter solos Liberos à parentibus utriusque sexus habeatur, non volumus. Si vero huiusmodi Voluntate liberis alia sit extranea mixta persona, certum est, eam Voluntatem defuncti, quantum ad illam duntaxat permixtam personam pro nullo haberi, sed Liberis accrescere.* Confirmatur primò ex cap. cum esses: ubi restringens numerum septem, vel quinque testium, tanquam à Divinâ Lege, & SS. Patrum institutis, & à generali Ecclesiæ consuetudine alienum (intellige alienum non positivè, quasi prohibitum, sed negativè, tanquam non requisitum) deinde imminutum eo modo requirit, quo modo videtur supponere, à lege civili exigi numerum septem vel quinque testium; atqui capitulum requirit illum ad valorem, & obligationem naturalem testamenti, ut scil. voluntas testa-

toris

toris sit firma: ergo supponit numerum testi-
um lege civili statutum, uti & ceteras so-
lennitates, etiam exigi ad valorem, & firmi-
tatem testamenti. Confirmatur secundo: quia
multi ex adversariis, inter quos etiam est Les-
sius l. 2. c. 19. n. 35. farentur, alios actus do-
nationis, emptionis, electionis &c. ob defectum
debitæ solennitatis lege irritatos nullam pa-
rere obligationem naturalem ante judicis de-
clarationem; ergo idem valde conformiter
asseritur de actibus testamenti, non minus
clare per verba citatæ legis annullatis. Con-
firmatur 3 quia Sententia appositæ nititur tex-
tibus juris, qui tantum de codicillis, non verò
de testamentis loquuntur, & insistit falso prin-
cipio, nempe quod ex suppositione fraudis a-
ctualis testamenta insolennia lege civili ir-
ritentur, adeoq: certò cognitâ absentia frau-
dis cesser irritatio legalis: hoc, inquam, prin-
cipium falsum est; non enim propter suppo-
sitionem fraudis actualis, sed propter periculū
fraudum, absque adhibita debita solennitate
facile eventuarum, actus testamentorum, &
alii frequenter lege civili irritantur, uti om-
nes fateri debent, de contractu Matrimoniali:
hæc ergo sufficiens causa est, irritandi testa-
menta insolennia, non obstante, quod sæpe
propter impossibilitatem observandi omnes
solennitates per accidens quis impediatur à te-
stamenti erectione, in cujus subsidium codi-
cilli instituti sunt.

16. Passustamen sum propter Authoritatem DD. licere utramvis Sententiam sequi : nostram enim tenent apud Patrem Haunoldum in p. 3. th. §. 3. n. 3. Bonac. Becanus, Diana, Vasq. Salas, Lugo, Dicast. Covarr. Gomez, Menochius, Cl. D. Rath, th. 92. & seqq. quibus addi possunt Dominicus Sotus, & Bannez apud Less. n. 31. & Victoria apud Mol. disp. 81. qui licet hæredi minùs solenniter instituto concedant jus revocabile adeundi, & retinendi hæreditatem, ajunt tamen, hæredem ab intestato, etiamsi certus sit de voluntate testatoris, alium instituentis, posse repetere hæreditatem, & judicem pro potestate propter finiendas lites sibi concessâ posse, ac vi legum teneri hæreditatem adjudicare hæredi ab intestato, quam sententiam Less. facit probabilem, eamque refert, nec improbat Pal. tract. 3. disp. 2. pun. 10. n. 7. ubi tamen, uti etiam disp. 1. pun. 24. §. 1. n. 8. nobis videtur consentire. Oppositam verò Sententiam, negantem licere hæredi ab intestato certò cognitâ voluntate testatoris retinere, vel repetere hæreditatem per testamentum minùs solenne alteri adscriptam tuetur Mol. disp. cit. & hoc teste permulti ex juris peritis, Less. loc. cit. & apud ipsum plerique Theologi, quibus modò insinuatò consentiunt prædicti AA. mediæ Sententiæ.

17. Dicendum 5. Ad valorē codicilli, legati, aut fideicommissi non tantum in foro in-

ten-

terno, sed etiam in foro externo solennitas præscripta necessaria non est, quando hæres ab intestato voluntatem defuncti certo, & immediatè cognovit. Probatur ex textibus juris (qui, quia etiam de foro externo loquuntur, ab adversariis prioris nostræ conclusionis adhiberi non possunt ad probandum valorem testamenti insolennis tantum in foro interno) *L. etsi inutiliter C. de fideicommissis*, ubi inutiliter, id est, insolenniter relictum fideicommissum propter scientiam hæredis firmum, & irrevocabile statuitur: & *L. quaestione eod. tit. & §. ult. Instit. de fideicommissariis hereditatibus*: ubi defectum Solennitatis fideicommissi universalis, vel particularis, confessio hæredis, vel juramenti oblati recusatio decernitur supplere.

C A P U T III.

Quibus modis testamentum validum rursus invalidum red-
datur.

18. **T**Ribus ferè modis testamenta infirmari possunt, nempe rescissione, irritatione, ac ruptione. Rescissio est annullatio testamenti facta à iudice propter justam querelam inofficiosi, ut vocant, quam nimirum deponit is, qui contra æquitatem à testatore inofficioso testamento neglectus est. Irritatio est infirmatio testamenti le-

ge inducta propter aliquem eventum non directè in testamentum, sed in personam testatoris, vel hæredis incidentem. Ex parte hæredis enim irritatur testamentum, si hæreditatem adire non possit morte præventus, vel nolit, ut apertè dicitur *L. nemo i. ff. de testamentaria tutela*, ubi habentur hæc verba: *Si nemo hæreditatem adierit, nihil valet ex iis, qua testamento scripta sunt: si Verò unus ex pluribus hæredibus adierit, tutela* (idem est de legatis) *statim valet, neque expectandum est, ut omnes hæreditatem adeant*: in tali ergo casu devolvitur tota hæreditas ad hæredem ab intestato, exceptis legatis ad causas pias, ut suprà diximus, vel etiam ad profanas, quando testamento formaliter, vel virtualiter adjecta est clausula codicillaris, aut quando testator prohibuit hæredi detrahere falcidiam, eaque de causa hæres adire noluit hæreditatem. Molina disp. 181. Ex parte testatoris eventus incidens, & seclusâ consuetudine contrariâ (quam testatur Clarus q. 21.) annullans testamentum, est immutatio statûs per capitis diminutionem vel maximam, id est, amissionem civitatis, & Libertatis, vel mediam, hoc est, per amissionem solius civitatis, vel minimam scil. per arrogationem super venientem §. *alio autem modo Instit. quibus modis testamenta infirmantur*, juncto §. *est autem, & seqq. Instit. de capitis diminutione*.

19. Ruptio est infirmatio testamenti propter vitium ei immediate superveniens, quod multiplici ratione contingere potest: primò agnatione, seu nativitate filii naturalis, ac legitimi (nisi sit monstrum potius, quàm homo) post conditum testamentum geniti, ac in illo præteriti *L. 2. § 3. de posthumis hæredibus instituendis*. Secundò adoptione, vel arrogatione in filium, aut nepotem, si adoptatus, vel arrogatus in testamento hæres institutus non est, *§. 2. Instit. quibus modis testamenta infirmantur*. Tertiò, mutatione voluntatis testatoris omnia à jure requisita habente; quæ vel factò, vel verbis fieri potest: factò censetur fieri *juxta L. cancellaverat ff. de his quæ in testamento delentur*, & plures alias; quando testator per se vel per alium signacula, vel aliud solenne requisitum tollit, vel Scripturam extinguit, seu cancellat animo revocandi testamentum, quem in dubio interpretari ad judicem spectat: quòd si tamen testator unius tantum hæredis nomen cancellet, valet adhuc testamentum, quoad reliquos hæredes, illisque ejus portio accrescit: si verò omnium nomina extinguat, supponitur, hæredem ab intestato voluisse gravare, ut legata, & fideicommissa integra relicta persolvat: quæ ferè omnia cit: lege judicantur. Quia autem contingere potest, ut testator suam voluntatem pluribus exemplaribus æquè principalibus consignaverit, ideo

in tali casu, ne alterum exemplar credatur rupisse, præcisè tanquam superfluum, necesse est, addere expressam protestationem, quâ intentio infirmandi testamentum comprobetur, ut indicatur *L. ult. cit. tit. idem*, teste Julio Claro q. 93. & Mol. disp. 153. allegante plures alios, dicendum est de ruptione Scripturæ Authenticæ testamenti nuncupativi, quando ejusdem originale exemplar alibi asservatur; si tamen unicâ Scripturâ Authenticâ comprehensum sit, eâ cum protestatione revocandi voluntatem ruptâ, etiam si essentia testamenti nuncupativi in ipsa non consistat, dicendum est, etiam voluntatem ultimam testatoris (prout cit. AA. videntur supponere) verè revocatam esse; quia Scripturæ alligata fuit tanquam publico instrumento probationis. Nec obstat, quòd adhuc sufficiens probatio ex depositione testium haberi posset: nam etiam rupto cum debita protestatione uno exemplari testamenti scripti, haberetur adhuc sufficiens probatio ex altero non Physicè rupto, & tamen voluntas testatoris, ut ostendimus, habetur pro revocata. Præterea, ut antè insinuavimus, potest mutatio voluntatis fieri verbis, cum vel sine novi testamenti erectione: posteriori modo revocatur testamentum, quando testator coram tribus saltem testibus asseverat, se nolle, ut illud deinceps valeat; quæ tamen revocatio, ut completa sit (sive in solo fore

Quib. mod. test. redd. invalid. 29

foro externo, siue etiam in foro conscientiae, de quo teste Mol. loc. cit. eodem modo, sicut de solennitatibus testamentorum discurrendum est) requiritur in *L. sancimus C. de testamentis* effluxio decennii, computata secundum aliquos, inter quos est Antonius Gomez, & jus Bavaricum, à tempore factae revocationis; secundum Gl. Accursii verò, Iul. Clar. q. 91. Mol. loc. cit. & his testibus secundum communio rem Sententiam computanda est à tempore conditi testamenti, quia hæc computatio conformior est fini à lege intento, ut scil. per tantum intervallum reddatur credibile, testatorem potius pœnituisse compositionis testamenti, quàm revocationis, si etiam ante decennium facta esset. Cæterum prædictum decennii fluxum contra Iulium Clarum, Covarr. Bart. Mol. loc. cit. & alios, quos referunt, requirere placuit clar. D. Rath. 58. fatenti oppositam esse communissimam (uti etiam est jure Bavarico recepta) & R. P. Haunoldo §. 4. n. 18. quatuor insignes iuristas adducendi, quando scil. etiam coram septem testibus revocatur testamentum cum expressa protestatione testatoris, affirmantis se velle intestatum decedere; quia, ut ingeniosè argumentantur, huiusmodi protestatio, si maiorem vim, nempe statim rumpendi testamentum contineret, deberet habere rationem testamenti nuncupativi, prout communis Sententia supponit; sed hoc ipso, quod

testator dicat, se velle intestatum decedere, destruit rationem testamenti, ergo illa protestatio nullam continet maiorem vim, quàm simplex, & nuda verbalis revocatio.

20. Ad hoc tamen argumentum existimo, pro communi sententia, fundata in claro textu *L. 1. si hæres ff. si tabula testamenti nulla extabunt* responderi posse, ac debere, concedendo maiorem, distinguendo minorem: si sensus verborum, *Volo intestatus discedere*, esset iste, qui in superficie verborum esse apparet, nempe volo sine omni testamento discedere, concedo min. si verò sit iste, uti revera est: volo discedere, sicut is, qui intestatus discedit, id est, dispono de meis bonis ad eam formam, & modum, quò disponit lex circa bona eorum, qui absque testamento discedunt, nego minorem: nam ut sic non committitur legi communi vis disponendi, tanquam rationi formali, sed tanquam regulæ; aliàs non adhiberentur septem testes, & solennitas illa ad testamentum nuncupativum requiri solita, neque simplici revocationi adjiceretur expressa protestatio, qua testator dicit, se velle intestatum discedere: quia hoc ex sola revocatione testamenti indirectè consequeretur: objectum ergo directæ illius volitionis non est negatio omnis testamenti, sed successio hæredum similis illi, qualis ab intestato daretur: hanc autem vult actu positivo, quia aliàs videret, revocationem prioris testamenti
ante

Quib. mod. test. redd. invalid. § 1

ante decennium non habituram efficaciam sine tali nuncupativa institutione hæredum ab intestato. Etiam si autem eandem efficaciam, neque habuerit revocatio testamenti tempore militiæ facti, deinde cum protectione voluntatis moriendi intestatum à veterano posita *L. militis 36. § Veteranus ff. de testamento militis*, id non proveniebat ex defectu completi decennii, sed ex defectu debiti solennitatis testium.

21. Adverte cum Ant. Gomez, Bartolo, Mol. & aliis, prædictum decennium, & plurimum, quàm duorum testium solennitatem, etiam non requiri ad revocationem testamenti merè verbalem cum expressione causæ, quòd hæres sit indignus; sed tunc ejus hæreditas, vel portio illius est applicanda fisco *juxta L. hæreditas C. de his, quibus ut indignis*; præterea non requiri ad revocationem legatorum, vel fideicommissorum manente testamento in suo valore *L. fideicommissum C. de fideicommissis*. Neque opus est legata semper explicitè revocare; censentur enim revocata implicite, quando inter testatorem, & legatarium graves inimicitiae intercedunt, secus, si leves. *L. 3. § ult. ff. de adimendis legat.* reconvalescunt tamen testatore reconciliato, ut habetur *L. 4. seq.* Similiter revocata censentur (nisi firmitas voluntatis expressè probari possit) si legatarius testatori gravem injuriam machinatus sit, etiam si testator con-

scius nihil in suo instrumento immutaverit
L. filio §. Seia ff. rit. cit. atque in his casibus
 legata accrescunt hæredibus : si verò legata-
 rius primùm post testatoris obitum gravem
 ei injuriam intulerit, v. g. uxorem ejus car-
 naliter agnoscendo violaverit, etiam irrita
 redduntur legata, non quidem ex tacita vo-
 luntate testatoris, utpote jam mortui, sed in
 pœnam, adeoque post latam sententiam ad
 fiscum devolvi probat cum aliis Molina disp.
 212. ex *L. 1. & L. si inimicitia in fine ff. de his
 qua ut indignis.*

22. Postremus denique, ac celeberrimus
 testamenta revocandi modus est erectio novi
 testamenti : nisi enim prius testamentum
 contineat formaliter, vel æquivalenter clau-
 sulam derogatoriam sequentis, de qua postea
 dicam, per posterius testamentum (modò va-
 lidum sit, aut si invalidum, factum sit tamen
 coram 5. testibus inter hæredes aliàs ab inte-
 stato succedentes, & alteram præcedens sit
 factum inter hæredes extraneos, ut habe-
 tur *L. hac consultissima §. si quis C. de testa-
 menti*) rumpitur testamentum quodcunque
 præcedens, etiam majori solennitate factum;
 licet subsequens esset tantùm conditionatum,
 involvens conditionem, vel impossibilem co-
 gnitam, ut talem, quæ pro non adjectâ ha-
 beretur, vel possibilem, quæ quidem si de
 præsentī vel præterito fuisset adjecta debet
 esse impleta, si autem de futuro, sufficit posse
 im-

impleri, etiam si nunquam sit implenda: quæ omnia expressa sunt *L. cum in secundo ff. de iniusto rupto*. neque impeditur huiusmodi ruptio, etiam si testamentum posterius infirmetur, v. g. quod hæres ante testatorem moriatur, vel hæreditatem adire nolit, tunc enim non reconvalescit primum; sed hæredes ab intestato succedunt §. *posteriore Instit. quibus modis testamenta infirmantur*; & *L. 1. ff. de iniusto rupto*.

23. Quando verò prius testamentum continet clausulam derogatoriam formaliter, quæ v. g. testator dixit, nolle se, ut quodcunque testamentum subsequens quidquam valeat, vel quando continet æquivalenter, prout censetur continere, si juramento promissorio non revocandi firmatum sit, ut communiter DD. colligunt ex *L. cum Pater §. filius Matrem ff. de legatis 2.* vel si primum testamentum conditum sit inter liberos, non item posterius, iuxta *Authent. hoc inter liberos C. de testamentis*, & *novellam 107. de testamentis cap. 2.* in tali, inquam, casu, nisi aliunde certis indiciiis constet de voluntate revocandi prius testamentum (qualia sunt ortæ ante posterius testamentum graves inimicitie inter testatorem, & hæredem testibus Covarr. Bart. Mol. & aliis) neque in foro externo, neque interno licet præsumere testatorem voluisse illud revocare, nisi in posteriori addiderit clausulam formaliter vel æquivalenter derogatoriam prioris

prioris derogatoriæ, ut communissima Sententia apud Mol. disp. 153. probat ex *L. si quis in principio testamenti ff. de legatis 3. & lege si mihi & tibi § ult. ff. de legatis 1.* Suadetque ratio; quia licet sola voluntate nemo possit sibi legem facere non revocandi testamentū; (unde talis clausula, quā quis diceret: volo, ut non liceat mihi revocare hoc testamentū; nullius esset valoris, ut notat Mol. licet etiam prius voluntatis beneplacitum, quod quis expressè voluit à posteris præhabendum omni alteri subsequenti, revocetur per voluntatem posteriorem, quā quis non amplius vult præhabendum, in ordine tamen ad revocationem extrinsecam, & efficacem, necesse est, illam voluntatem posteriorem sufficienter manifestari, ut constet, non esse talem, quam testator priori beneplacito postponendam voluit, tanquam forsan ex inconsiderantia priorum motivorum, vel ex oblivione prioris beneplaciti, & clausulæ derogatoriæ, vel ex alia causa minùs voluntariè supervenientem, non potest autem manifestari posterior voluntas, nisi prioris clausulæ derogatoriæ, vel in genere, vel in specie, formaliter, vel æquivalenter dicatur, nullam habendam esse rationem; & quidem tantò expressiùs hoc debet indicari, quantò minùs credibile est, testatorem primæ suæ voluntati velle contravenire: unde quia omnium minimè credibile est, testatorem velle ex hac vita migrare pejurum, priùs testamentum

stamentum juramento promissorio de eo nunquam revocando firmatum, non censebitur per posterius testamentum, etiam quacunque clausulâ derogatoriâ additâ, revocare, nisi expressè prioris sui juramenti fecerit mentionem, v. g. dicendo: Titius hæres esto, non obstante priori meo testamento juramento confirmato: imò hoc post factam promissionem (aliàs jure positivo invalidam, sed ex juramento convalenscentem) non nisi ante illius acceptationem ab hærede præstitam revocari potest: cum hæres ex promissione jurata, & acceptata verum acquisiverit jus ad Successionem; & quia propter naturalem affectum parentum ergo Liberos non facile solent præferri extranei; hinc testamentum conditum inter liberos non creditur per subsequens, alioquin validum testamentum inter extraneos, etiam clausula derogatoria generali munitum, revocari, nisi expressè addatur: non obstante meo testamento inter liberos: ut habetur in *cit. Authent. hoc inter Liberos C. de testamentis*. vel, ut advertit Layman. ex Abbate, & Tiraquell. nisi sit factum ad pias causas, utpote pro animæ salute, quæ censenda est amoris liberorum præferri. Vicissim si testamentum posterius confirmetur juramento, etiam tantum assertorio, vel si condatur ab ascendentibus inter liberos, cum primum fuerit inter extraneos (quam quidē conversionem non ex constitutione juris, sed

ex

ex rationis illius paritate AA. colligunt) utrumque æquivalet clausulæ derogatoriæ prioris testamenti , quacunque aliâ clausulâ, excepto juramento promissorio, insigniti. Similiter, ut observat Mol. cit. disp. 153. quando in posteriori testamento fit particularis mentio prioris, subsequenter per formulam generalem derogantis, etiamsi non fiat mentio derogationis, illud nihilominus æquivalet habenti clausulam derogatoriam; quod si tamen primum derogaret reliquis per particularem formulam, v. g. si noller ullum deinceps valere, nisi in signum mutatae voluntatis certa verba adscriberentur, tunc, inquit, cit. Author, non satis erit in posteriori testamento mentionem facere illius prioris, nulla de tali clausula factâ mentione saltem in genere, sed necesse erit dicere: non obstante quocunque priori testamento, cum quibuscunque verbis derogatoriis confecto: ita etiam docent Covarr. in Rub. de testam. p. 2. n. 19. concl. 3. Bart. l. si quis in principio testamenti ff. de legat. 3. n. 8. Clarus q. 99. imò securitatis gratiâ rectè etiam addentur hæc: etiamsi de verbis illis specialis mentio esset facienda; aut etiamsi verba illa hîc essent transcribenda.

CAPUT IV.

Qui testamenta facere possint, vel non.

24. **E**tiamsi per se loquendo nemo obligetur

tur facere testamentum, per accidens tamen quidam homines non tantum possunt, sed etiam tenentur facere, & quidem sub mortali, quando nimirum alias creditores, vel omnino non, vel non integrè, vel non absque novo gravi damno solverentur, vel aliqua bona propter eorum ignorantiam, aut incertitudinem ad suos Dominos non redirent, vel graves lites inter hæredes ab intestato ori- rentur. Ut verò aliquis non possit ullum te- stamentum condere, vel jure naturali, vel po- sitivo prohiberi debet.

Jure naturali ad testandum inhabiles sunt, qui usu rationis carent, ut infantes, ebrij, amentes, furiosi, nisi testamentum tempore lucidi intervalli condant, quale an habuerint, & an sufficiens fuerit (requiritur enim tanta judicii discretio ac libertas, quanta est ne- cessaria ad peccatum committendum) exte- stium in certis circumstantiis fundato judicio potissimum desumi debet, quòd si & isti dubi- tent, & constet testatorem prius rationis im- potem fuisse, uterque Mol. asserit, adhuc ta- lem præsumendum esse, utique non ob aliam causam, quàm quia tum inhabilitas testandi, & hæredum ab intestato succedendi jus vide- tur esse in possessione. Sunt tamen etiam, qui non improbabiler existiment in pari conjecturarum probabilitate pro valore te- stamenti supponendum esse, eò quòd ut dici- tur in *L. 1. C. de SS. Eccles.* nihil sit, quòd ma-
gis

gis hominibus debeat, quàm ut suprema voluntatis postquam jam aliud velle non possunt, liber sit stylus, & licitum, quod iterum non redit, arbitrium.

25. Iure positivo testari prohibentur primò, à nativitate surdi simul & muti *L. discretis C. qui testamenta facere possunt*. Vnde qui non utroque Sensuum vitio semper laborarunt; sed suam voluntatem vel verbis, vel Scripturâ propriæ manus explicare possunt, illis ibidem conceditur potestas condendi testamentum: nam ut colligitur *ex cit. L. & ex L. iubemus C. de testamentis*, nutibus duntaxat, v.g. uno interrogante alterum, an Titium suorum bonorum hæredem esse velit, eoque si- ne expressa voce annuente, testari validè nemo potest, nisi ad pias causas, in ordine ad quas nullam solennitatem jure merè civili introductam servare necessum est: vel nisi testator sit miles, ejusve privilegio gaudens, ut patet *ex §. quin imò Instit. de militari testam.* vel nisi in præsentia principis sui testamentum conficiat, cuius Auctoritas omnem defectum solennitatis supplet *L. omnium C. de testamentis*. codicillum tamen vel legata, aut fideicommissa facere etiam solis nutibus concessum est illis, qui sunt à nativitate muti, ut constat *ex L. nutu ff. de legatis 3.* unde hic patitur exceptionem communis regulæ in *L. Disi §. 3. ff. de iure codicillorum*: quòd, qui non potest testari, nequeat etiam codicillum condere.

26. Sc.

26. Secundò, impuberes, in quibus etsi malitia quandoque in ordine ad alios actus supplere possit ætatem, nequit tamen ad actionem testandi *L. si frater C. qui testamenta facere possunt. §. Præterea Instit. quibus non est permissum facere testamentum*. Idem est, quamvis impubes sit miles *L. ult. C. de testamento Militis*. Vel ad pias causas testetur, ut communis sententia test. Mol. disp. 236. ad finem colligit ex *cap. licet de sepulturis in 6. iuncta Gl.* vel pubes factus absque solennitatibus de novo adhibitis prius testamentum ratificet: quia actus tempore inhabilitatis positi non solent per supervenientem habilitatem agentis convalescere. Cæterum ultimus dies, quo impubertas finitur, inchoatus pro completo habetur *L. à qua ætate ff. qui testamenta facere possunt*.

27. Tertiò prodigi, postquam illis bonorum suorum administratione interdictum est, quamvis prius conditum testamentum valeat *§. item prodigius Instit. quibus non est permissum*, horum inhabilitas juxta communem apud Clarum q. 5. extendit se etiam ad pias causas: quia prodigus curatoris subjectus pupillo æquiparatur, & universim privilegia testantium ad pias causas supponunt habilitatem testandi, non verò conferunt.

28. Quartò, servi, antequam libertatem acquirant, & se obtinuisse sciant, *L. qui in testamento, & seqq. ff. qui testamenta facere. cap. illud*

illud 13. q. 2. ubi tamen Gl. observat multorum locorum consuetudine receptum esse, ut peculium suum filiis relinquere possunt. Ultima conditio, ut nimirum sciant se libertatem obtinuisse, Iure Can. non requiritur, & proinde post verè obtentam Libertatem ad pias causas testari possunt Panorm. ad finem Rub. de testamentis, Bart. Mol. disp. 137.

29. Quinto captivi, & obsides pro captivis (si, ut advertit Mol. loc. cit. capti sunt in bello justo, nam aliàs verè sunt Liberi) *L. eius qui L. obsides ff. qui testamenta facere*: ante captivitatem tamen factum testamentum valet, non tantum si testator redierit, sed etiam, si in captiuitate decesserit, *L. 12. ff. eodem.*

30. Sextò, damnati ad mortem naturalem, vel civile *L. qui ult. supplicio ff. de penis*, hodie tamen ubique ferè contrariam consuetudinem receptam esse testatur Iulius Clarus q. 21.

31. Septimò, condemnati de crimine libelli famosi in alterum confecti *L. is, cui ff. de testamentis*: vel de crimine usuræ notoriæ *cap. quamquam §. ult. de usuris in 6.* nisi prius usuras solverint, vel de illis solvèdis cautionem præstiterint; quòd si eam præstare non possint, si cum signis contritionis decesserunt, ad causas pias testari posse de bonis, quæ usuris solvendis supersunt probabile iudicant

dicant Covarr. Sylv. quos refert: & sequitur Mol. cit. disp. 137. vel de crimine hostilis invasionis Cardinalis Ecclesiæ *cap. felix de penis in 6.* vel de crimine hæresis in locis, ubi habet annexam excommunicationem non toleratam *cap. Excommunicamus 1. §. damnate de hæreticis.* De reliquis Excommunicatis notoriis dubitat Iul. Clar. q. 44 communior, ut ipse fatetur, affirmat, eos testari posse, nisi specialiter hac facultate priventur, nulla enim lex universalis habetur excommunicationi inhabilitatem testandi annectens.

32. Octavo filii familias, quamvis obtento assensu paterno mortis causâ donare possint, testari prohibentur de bonis adventitiis, etiam quando Pater non habet illorum usumfructum, vel etiamsi ipse consentiat *Instit. quibus non est permissum facere testamentum. in principio. lege qui in potestate ff. qui testamenta facere possunt:* de Patristamen consensu possunt ad pias causas testari *cap. licet de Sepulturis in 6.* estque communis Sententia apud Iulium Clarum q. 5. idemque ait Laym. c. 3. secutus Sylvestrum de ingredientibus religionem sentiendum. Præterea excipiuntur Clerici, etiam tantum, ut vult Covarr. *cap. quia nos de testamentis*, primâ tonsurâ, vel ut alii docent, minoribus ordinibus initiati, saltem si alicui Ecclesiæ inserviant: hi enim *Authent. Presbyteros C. de Episcopis, & Cleric.* etiamsi mancant in Patria potestate liberè testari

stari possunt de bonis in statu Clericali quocunque modo acquisitis, modò legitimam relinquunt filiis suis, si habeant, vel ascendentibus, si non habeant filios; omnia enim hæc quasi castrensia dicuntur, etiamsi respectu laici essent adventitia.

33. Nonò. Clerici beneficiati de bonis, quæ ex beneficio Ecclesiastico quantumvis simplici, quale est Canonatus, percepta honestæ sustentationi supersunt, testari, aut mortis causâ donare non possunt, etiam ad pios usus (seclusâ contrariâ, & rum in Germania, tum in aliis locis recepta consuetudine) ne scilicet, huiusmodi bonorum retinendorum cupiditate per donationum inter vivos ad pias causas eadem applicare differant. Ita Statutum est *cap. ad hac de testamentis*: ubi tamen conceditur, ut in lethali ægitudine constituti moderatè valeant aliqua de huiusmodi bonis non titulo testamenti, sed elemosynæ erogare: *Et cap. Relatum 12. tit. eod.* etiam additur limitatio ita habens: *Consuetudinis tamen non est improbanda, ut de his pauperibus, & Religiosis locis, & illis, qui viventi servierant, sive consanguinei sint, sive alii, aliqua juxta servitii meritum conferantur.* Quæ verba ait Mol. disp. 147. intelligenda esse de collatione gratuita; nam id, quod ex justitia debitum est, ex bonis liberæ dispositioni Clericorum relictis solvi oportet. Dixi, *seclusâ contrariâ, & recepta consuetudine.* Nam test.

Lest.

Less. lib. 2. c. 19. dub. 4. & Mol. loc. cit. passim invaluit, ut Clerici, præsertim Episcopis inferiores ad pias causas testari possint, in eodem Less. testante etiam debeant, ne reditus Ecclesiastici superflui, & ad pias causas applicandi, alioquin ad consanguineos, tanquam ad hæredes ab intestato devolvantur, suppositâ communissimâ Sententiâ Theologorum, quos cum S. Thom. refert, & seq. Mol. disp. 144. contra non paucos Canonistas, quod scil. Clerici etiam superfluatorum reddituum absolutum Dominium sibi comparaverint, quod suppositum non est hujus loci examinare, sicut nec textus ex Iure Canonico contra illud afferri solitos, & à Mol. ad illud tantum tempus relatos, quo bona Ecclesiastica nondum incertas portiones fuerunt divisa, quarta eorum parte Clericis cedente.

34. Decimò inhabiles sunt ad testandum Religiosi, non quidem ante, sed post emissâ vota publica, aut solennia Religionis: nisi Summus Pontifex quempiam, vel quospiam exceperit, uti de facto excepit Religiosos ordinis militaris, qui suorum bonorum Dominium retinent, & ex eipere solet in Episcopatum, vel Cardinalatum erectos, si quod autem testamentum prius fecerint (quod quidē in nostra Societate, quando facienda est renunciatio bonorum, debet iterum revocari, cum hæc non aliter, quam per donationem inter vivos absque spe res suas recuperandi in-

institui possit) per emissionem prædictorum
votorum non tantum non rumpitur, sed per
illam, quemadmodum per mortem naturalem
omnino confirmatur, cum hoc solo discrimi-
ne, quod, licet testamentum Religiosi jam
perinde firmum, & irrevocabile sit, ac testa-
mentum defuncti; Monasterium tamen, si
Dominii non incapax est, usque ad tempus
mortis naturalis bonis sui Religiosi fruendi
jus acquirat. Ratio primæ partis est, quia licet
ex decreto Concilii Trid. sess. 25. cap. 16.
irriterur, omnis renunciatio bonorum, etiam
jurata, & ad causas pias ante ultimos duos
menses novitatus, vel intra hos sine consensu
Episcopi, aut eius Vicarii à candidatis alterius
Religionis, quam Societatis sine condi-
tione professionis futuræ facta, sub ea tamen
non comprehenditur testatio, vel donatio
mortis causâ, quia neutra est vera renuncia-
tio bonorum pro eo tempore, pro quo Conci-
lium noluit absolutam renunciationem fieri,
& neutra repugnat fini ab eodem intento,
ne scil. propter irrevocabilem bonorum suo-
rum alienationem novitius cogatur Religio-
nem profiteri, cum utraque sit revocabilis an-
te professionem. Itaque conceditur hæc po-
testas testandi candidatis Religionum (nisi al-
liunde sint impediti) in *Authent. nunc autem*
C. de Episcopis & Clericis, § cap. si qua Mu-
lier 19. q. 3. & ratio est, quia ante publica
Religionis vota retinent plenum bonorum
suo-

suorum Dominium, ergo etiam jus disponendi de illis.

35. Ratio secundæ partis, nempe inhabilitatis ad testandum, est tum expressa constitutio *cap. quia ingredientibus* 19. q. 3. & *Authent. ingressi C. de SS. Ecclesiis*; tum quia illa votorum emissionem Religiosi amittunt jus, & Dominium omnium suorum bonorum, ac in nostra Societate quidem, nisi ante vota publica de suis bonis disposuerint, prout tamen semper jubentur disponere, & in Religionibus incapacibus domini transmittunt jus succedendi ad hæredes ab intestato; in aliis autem Religionibus capacibus domini juxta varias constitutiones juris civilis, approbatas à Canonico in *cap. si qua mulier cit. & cap. quia ingredientibus de testamentis* succedit Monasterium salva tamen portione legitima, Religiosi ascendentibus relinquendâ, nisi à se descendentes habeat, quibus *juxta Authent. si qua mulier C. de SS. Ecclesiis*. bona sua portionibus etiam inæqualibus per modum dispensatoris distribuere potest, æquali tamen ad minimum parte Monasterio assignatâ, ut etiam dicitur *cap. si qua mulier cit.*

36. Ratio tertiæ partis, quod scil. prius factum testamentum non rumpatur, desumitur ex *cap. si qua mulier, & ex Authent. nunc autem C. de Episcopis & Clericis*. ubi expresse dicitur, quod si Monachus prius testatus non sit, res omnes salvis iuribus Liberorum, V-

toris, & creditorum monasterio reliquisse videatur; ergo si testatus est, testamentum raturum manet, alias frustra apponeretur conditio. Neque obstat, quod testamentum, natiuitate filii, postea obtenti, & in illo omissi rumpatur, ac consequenter etiam testamentum Religiosi rumpi videatur, si in eo Religionis nulla facta est mentio; nam licet Monasterium loco filii habeatur, comparatione ejus, qui in illo professionem emisit, ut constat *ex cap. in presentia de probationibus*. Id tamen solummodo verum est in casibus jure expressis, qualis non est iste, ut Monasterium partem aliquam legitimam ex testamento recipiat: sicut neque ut denegat eam ascendentibus, quando monasterium in bona Religiosi successit.

37. Ratio quartæ partis, quod per vota publica Religionis testamentum confirmetur, & irrevocabile reddatur, hæc est, quia post votorum nuncupationem nec Religiosus retinet Dominium suorum bonorum, ut tum ex *Auslent. ingressi C. de SS. Ecclesiis*, tum ex aliis juri- bus constat, nec ad Monasterium transit, & definitum est in *cir. Auslent. nunc autem*,

38. Ratio ultimæ partis, quod Monasterium retineat jus in bona sui Religiosi extra- neis testamento relicta, usque ad ejus mortem naturalem (& consequenter in perpetuum si testamentum promaturâ morte hæredis, vel alio

alio modo irritetur) hæc reddi potest : quia, ut suppono, nec Religiosus vi testamenti aliam habuit intentionem, nec jus positivum in hoc fecit exceptionem, quò minùs sicut alia jura Religiosi directæ & usufructuaria, de quibus ante professionem nihil disposuit, ad Monasterium transeat. Et ita habet communis Sententia test. Less. l. 2. c. 41. dub. 10. Mol. disp. 140. Excipitur tamen ab iisdem, & à Covar. c. 2. de testam. n. 7. Panorm. Navarr. cap. non dicatis n. 8c. contra Bartolum, pluresque alios legitima filiis Religiosi, si quos in sæculo existens genuit, debita ; cò quòd aliàs à Monasterio ali deberent, & in cap. si qua Mulier, id satis indicetur, quod cum concedat Religioso, ut etiam statim post professionem filiis portiones suas distribuere possit, videtur in hoc æquitatem agnoscere, ut saltem legitima illis statim tradatur. Idem dicendum de dote filiabus solvenda, ut maritus eadem uti, ac onera matrimonii sustinere valeat ; sed de his & similibus Religiosorum, ac Monasteriorum juribus, vel obligationibus videatur Mol. à disp. 139. usque ad disp. 142.

C A P U T V.

Quinam ex testamento, vel ab intestato succedere possint, aut debeant.

39. **P**RIUS de hæredum diversitate aliquid
C 2

dicendum est, ut, quæ de succedendi potestate dicturi sumus, facilius percipiantur. In primis itaque alii sunt hæredes, ex testamento, alii ab intestato, qui scil. non ex dispositione testamenti, sed ex dispositione legis in bona defuncti succedunt.

Secundò alii sunt hæredes universales, alii particulares: hæres universalis dicitur, qui sine alio cohærede succedit, particularis, qui cum alio, vel aliis in partem æqualem, vel inæqualem transit: tota enim hæreditas, quæ assis nomine insignitur, in duodecim partes seu uncias dividitur §. 6. *Instit. de hæredib. instituendis*; quæ per additionem unius ad alteram inæquales redduntur, & per ascensum, quatenus posterior superat priorem, additione unius uncie his nominibus distinguuntur, *Uncta, sextans, quadrans, triens, quincunx, semis, seu semissis, septunx, bes dodrans, dextans, deunx*, cui si addatur unica uncia evadit as, seu hæreditas totalis; itaque hæres ex asse est hæres universalis, hæres verò ex una enumeratarum parte est hæres particulatis: qui verò in re certa tantum v. g. in fundo directis tamen verbis hæres instituitur, is potius legatarii loco habetur, nec hæredum obligationes subit, ut declaratur in *L. quoties C. de hæredibus instituendis*: quamvis si nullus alius institutus esset, vel hæreditatem adire posset, aut vellet, deinde illi tota hæreditas accresceret: quia in tali casu hæredis ap-

pel-

Qui ex test. vel ab intest. succed. 49

pellatio ei competeret, ut constat ex *L. 1. §. si ex fundo ff. de hæredibus instit.* & cum nullus paganus (miles enim gaudet speciali privilegio *L. si miles unum ff. de testamento militis*) possit partim testatus, partim intestatus decedere, *juxta regulam 7. ff. de diversis regulis juris*: ideo necesse esset, residuam hæreditatem parti testatæ accrescere.

40. Tertiò hæredes alii sunt necessarii, alii liberi, seu voluntarii. Necessarii jure antiquo erant, qui etiam inviti debebant adire hæreditatem, jure novo illi dicuntur, qui saltem quoad portionem legitimam institui debent in testamento ad causas profanas (nam in testamento ad causas pias, sicut non exiguntur aliæ solennitates juris civilis, ita neque est necessarium, ut honoris, & amoris ostendendi gratiâ instituatur, & nominetur hæres necessarius, modo accipiat suam legitimam, ut docet Iulius Clarus q. 6. Covar. de testam. cap. cum tibi n. 12. & communis sententia teste Mol. disp. 134.) vel debent expressâ in testamento aliqua hujusmodi causâ, quales habentur in Novella 115. cap. 3. & 4. eâque à testatore, vel hærede, probatâ, omnino exhæredari; si enim non exprimitur talis causa, testamentum quoad hæredis institutionem, & jure saltem antiquo §. 35. *Instit. de legatis*, etiam quoad legata, & fideicommissa est invalidum, ac nullum, et si hæres præteritus sit tantum proles posthuma,

brevi etiam mortua, *L. posthume nato C. de bonorum possessione contra tabulas, quam prætor, modo non sit mortua ante testatorem, tum enim prætoriam æquitate reconvalescit testamentum L. posthumus. ff. de iniusto rupto: si verò exprimatur, & non probetur causa exheredationis, quamvis in cit. Novella expressio causæ, & probatio, æqualiter videantur requiri, communis tamen sententia expostulat officium iudicis ad rescindendum testamentum, & hæredi necessario non conceditur actio ad repetendam hæreditatem ab instituto, sed ad petendam probationem causæ exheredationis, vel ad rescissionem testamenti, quæ actio in instituenda intra quinquennium à die aditæ ab altero hæreditatis; vel à die completi 25. anni, si hæres neglectus, cum antè nondum complevisset, iuxta *L. 2. C. quibus causis in integrum restitutio necessaria est, & L. si quis filium in fine, leg. scimus §. illud præterea C. de inofficioso testamento* querela inofficiosi appellatur, eò quòd testator non videatur præstitisse officium suum erga hæredem necessarium: si ergo tali actione hæres necessarius evicerit, ut iudex agnoscat, causam non satis esse probatam, etiamsi à parte rei subsistat, potest deinde ille rescisso testamento adire hæreditatem bonâ conscientia test. Mol. disp. 175. quia hæres non tenetur subire pœnam, qualis est exhereditatio, quamdiu commissum crimen non plenè probatum est.*

Qui ex test. vel ab intest. succed. § 1.

41. Hujusmodi hæredes necessarii sunt inprimis descendentes, nempe liberi, quorū unō mortuō, & nepotes relinquente, isti locō parentis non in capita, sed in stirpes ad hæreditatem admittuntur, sicut habetur §. *cum filius instit.* de hæreditatibus, qua ab intestato: id est, non singula nepotum capita æquales portiones cum liberis accipiunt, sed omnes simul velut una Stirps portionem sui parentis referunt: portio autem legitima inter hos hæredes necessarios dividenda, jure antiquo *L. Papinianus §. quoniam.* & §. *quarta ff. de inofficioso testamento*, erat quarta pars, seu quadrans, jure novo autem *Authent. 18. triente, & semisse cap. 1. & 2.* si non plures sint, quā quatuor, est triens hæreditatis, id est, quatuor unciz, seu tertia pars assis, si sint plures, nisi augens numerum sit justè exheredatus, vel incapax hæreditatis per se, vel per alium ad eundem, constituta est semissis, id est, dimidia pars bonorum defuncti, loquendo tamen semper de bonis privatis, non de regnis, ducatibus, comitatibus. In defectum liberorum, vel aliorum descendendum, hæredes necessarii sunt ascendentes testatoris, qui in testamento titulo honorabili institutionis exprimi debent; horum legitima est triens, Patri, & Matri æqualiter dividendus, vel alterutro mortuo, alteri superstiti totus tradendus, etiamsi ex parte defuncti parentis avus, vel avia adhuc superviveret: u-

troque autem Parente è vivis sublato avi, & avia non in capita, sed in stirpes succedunt, ita ut si ex parte alterutrius parentis avus, & avia, & ex parte alterius solus avus, vel avia adhuc vivant, huic soli æqualis detur portio, qualis utrique alteri, quæ omnia habentur in *Authent. de hæredibus ab intestato cap. 2.* Si itaque ex his hæredibus necessariis aliquis in portione minore institueretur, quàm quæ ipsi competit, testamentum non quidem esset nullum, sed querelâ inofficiosi ad supplementum recipiendum agere posset *L. omni modo C. de inofficioso testamento.* Deficientibus tam ascendentibus, quàm descendantibus, nulli alii hæredes sunt necessarii, adeoque reliqui omnes dicuntur voluntarii, seu liberi: quamvis enim in *cit. Authent. cap. 2.* Fratres, & Sorores ex eodem Patre, & Matre ætate existentes (non verò eorum filii, ut in *eodem Authent. cap. 3. decernitur*) cum proximis ascendentibus ad hæreditatem ab intestato in capita ex Privilegio admittantur, & vicissim cum his Pater, & Mater defuncti in capita, avus verò, & avia in stirpes, tamen non tenetur testator fratres suos, ac sorores hæredes instituere, sed potest instituere quæcunque alium, consanguineis lateralibus quibuscunque præteritis, ut constat ex *L. fratres Cod. de inofficioso testamento, & instit. eod. titulo § 2.* ubi tamen excipitur ut contra hæredem turpem, seu infamem juris, aut facti

infa.

Qui ex test. vel ab intest. succed. § 2

infamiam à fratre, vel sorore non similiter infamibus, aut in testatorem graviter injuriosis agi possit.

42. His hæredum divisionibus suppositis, nunc de potestate succedendi loquamur. Itaque ex testamento succedere, atque institui possunt, tum integræ communitates, tum quivis homines privati, nisi lege prohibeantur: Ex communitatibus autem prohibentur in hæredes institui civitates hostium, ut colligunt AA. ex *L. omnibus ff. ad S. C. Trabe- lianum*, communitates Iudæorum *L. i. C. de Iudæis*, & quodvis collegium, nec publica Authoritate, nec ad pias causas erectum, spectando jus antiquum *L. collegium C. de hæredibus instituendis*. Ex privatis hominibus (ut prius de inhabilibus ex virtute, quàm ex propria, vel aliena culpa loquamur) nequeunt hæredes institui, vel ab intestato succedere professi Religionum incapacium hæreditatis, ut RR. PP. Capucini, & Minores de Observantia, præterea obstricti votis publicis nostræ Societatis, quamvis hi omnes pia legata mobilia, & immobilia (quæ tamen oblata commodè vendendi occasione in alios Religionem, utiles usus converti debent, nec possunt sub conditione ea servandi recipi, nisi ad habitationem sint necessaria, ut domus, vel hortus) in communem religiosi ordinis utilitatem applicanda, accipere sinuntur, ut constat ex *Clement. Exiſti §. cupientas*

de Verborum significatione, § cap. Exiit §. ad hac quia fratribus eod. in 6. Vnde hîc patitur exceptionem communis regula. *Instit. de legatis §. legari*, quòd qui hæres institui nequit, nequeat etiam legatum capere. Aliarum autem Religionum professi, & Scholastici nostræ Societatis, hæredes institui, vel ab intestato succedere possunt, cum hoc tamen discrimine, ut loco prædictorum professorum ipsa religio vel Monasteriû hæreditatis dominium per immediatam Successionem acquirat, loco Scholasticorum verò non Societas, sed ipsi Scholastici immediatum hæreditatis dominium obtineant, quod ad Societatem titulo donationis inter vivos ab illis transferri solet ex vi liberæ eorum dispositionis, quâ sicut seipfos, sic etiam bona sua, tum obtenta, tum deinceps obtinenda Societati offerunt.

Vnde licet Societas, vel collegiû ejusdê immediatus hæres institui possit, nunquam tamen suorum religiosorum nomine potest hæreditario jure succedere, sed vel ipsi immediate succedunt, quamdiu vota publica non emiserrunt, adeoque hæredicatis capaces sunt, vel neque Societas succedit, nisi tanquam hæres immediatus ab ipso testatore instituat, aut substituat, ut constat ex *constit. : pa. 6. c. 2. §. 12.* ubi cum generalibus verbis omnis hæreditariæ successionis, adeundæ nomine sui Religiosi obstricti votis publicis, incapax red-

Qui ex test. vel ab intest. succed. §§

reddatur, non video, quomodo noster P. VVadingus eadem restringat solum ad Successionem ab intestato, nisi forsan dicere velit, quod in illis testamentis, quibus formaliter, vel æquivalenter continetur clausula codicillaris religiosus incapax hæreditatis, eandem per modum legati seu fideicommissi, cujus capax est, non in virtute testamenti, sed comparatione suæ personæ in virtute codicilli ad Societatem transmittat.

43. Ex privatis hominibus non fiuntur ex testamento capere, primò deportati, vel perpetuè ad metalla damnati *L. 3 ff. de his, qua pro non scriptis habentur*, secundò Hæretici non tolerati, aut apostatæ, & eorum receptores, fautores, &c. *Authent. credentes L. Manichæos, & L. ult. C. de Hæreticis L. 3. C. de apostatis*. Tertiò Spuriij, neque ex testamento, neque ab intestato, neque ex donatione inter vivos (nisi titulo gratitudinis pro præstitis obsequiis indebitis juxta meritum proportionem) à Patre plus, quàm quod aliunde non habentibus, ut secundùm statum suum congruenter vivant, necessarium est, accipere possunt, & si quid acceperint, hæredibus id restituere tenentur *L. Si quis incesti C. de incestis nuptiis L. 1 C. de naturalibus Liberis*. ubi licèt de Patre tantùm sit sermo, Mol. disp. 167. concl. 4. eodem modo de Matre sentiendum docet: quia quando jura non excipiunt, idem de Matre asseritur; lex enim

*si qua illustris C. ad S. C. Orficianum, & quæ-
cunque alia Spuriis favens, loquitur de tali-
bus Spuriis, qui jure Canonico, & hodie etiam
civilis pro naturalibus habentur. Et sic vicissim
neque Pater à Spurijs simile quid accipere
permittitur Authent. quibus modis naturales
efficiantur sui cap. 4. Avus tamen nepotem
ex suo filio Spurio, modò non faciat hujus
intuitu, hæredem facere potest, ut colligitur
ex L. ult. C. de naturalibus Liberis, nisi ille fi-
lius Spurius genitus sit per copulam ince-
stuosam ex Matre consanguinitatis vel affini-
tatis vinculo impedità à matrimonio, ut aliis
relatis limitat Clar. q. 32 in addit qui etiam
allegans communem Sententiam subjungit
hanc exceptionem, scil. nisi avus habeat ad-
huc reliquā prolem legitimam. Ab aliis con-
sanguineis in linea transversa, & affinibus,
atque extraneis Spurijs non minùs, quàm natu-
rales institui in hæredes, & si uterini sunt, si-
bi mutuò, ac proximioribus consanguineis
lineæ transversæ ex parte Matris (non au-
tem ex parte Patris L. 4. ff. unde cognati) ab
intestato succedere possunt: secus, si uterini
non sint, quamvis ex eodem Patre progeneri
L. hac parte L. si Spurius ff. eod. imò etiam
quamvis per rescriptum principis legitimati
fuerint: quia hoc, nisi aliud exprimatur, tan-
tùm intenditur ad potestatem succedendi Pa-
tri in Authent. quibus modis naturales effici-
antur sui, cap. 4.*

Qui ex test. vel ab intest. succed. 57

44. Cæterum sciendum est, quinam hic Spuriorum nomine intelligantur: distinguuntur enim filii in legitimos, & illegitimos; illegitimi Iure Can. quod nunc etiam in foro civili observatur teste Mol. disp. 167. concl. 2. in ordine ad præsens iustitutum duplicis tantum generis enumerantur, scil. naturales, & Spurij. Itaque legitimi dicuntur, qui nati sunt ex Matrimonio legitimo, saltem ab alterutra parte bona fide existimato ut tali *cap. cum inter cap. cum ex tenore, qui filii sunt legitimi*: his ex privilegio æquiparantur per subsequens Matrimonium legitimati *cap. tanta sit, eod.* Illegitimi Naturales non tantum sunt ij, qui ex unica concubina, domi retentâ, & nullo impedimento Matrimonium dirimente coacti sunt geniti, quo modo olim in Iure Cæsareo accipiebantur; sed etiam illi, qui ab eodem nothi appellabantur, sumendo hos non pro ortis ex adulterio, ut frequenter sumuntur, sed pro genitis ex concubina in domo non retentâ, vel non retentâ solâ sine alia concubina; adeoque omnes illi habentur pro naturalibus, qui procreati sunt ex parentibus tempore conceptionis, vel saltem tempore nativitatis habilibus ad Matrimonium inter se contrahendum: Spurij, etsi interdum confundantur cum vulgogenitis, seu ex communibus meretricibus, adeoque ex incerto Patre, hic tamen dicuntur omnes illi, qui ex parentibus tempore conceptionis, & nativita-

tis

tis ad Matrimonium inter se contrahendum inhabilibus descenderunt, qui neque per subsequens Matrimonium legitimari possunt: Et de his ea, quæ suprà statuimus, accipi debent.

45. De illegitimis verò naturalibus quoad potestatem succedendi sequentia statuuntur: deficientibus legitimis descendantibus, & ascendentibus possunt à Patre institui hæredes in semisse, seu media parte bonorum jure antiquo *L. humanitati C. de naturalibus liberis*: jure novo autem possunt institui ex *Authent. quibus modis naturales efficiantur sui cap. 12. §. nos igitur, & seqq.* sed si existat descendens aliquis legitimus, Pater nec valide donare, nec legare potest plus, quàm unam unciam, illegitimis Naturalibus, & Matri dividendam, & hīs mortuis Matri soli superstiti mediam unciam, ut habetur *in cit. Authent. §. ne igitur*, ex qua Mol. disp. 166. cum Covar. in epit. p. 2. c. 8. §. 4. n. 11. colligit mortua Matre adhuc integram unciam filio, aut filiis reliqui posse. si nullus quidem descendens, sed tamen ascendens legitimus superstes sit, huic saltem legitima transcribenda est *juxta cit. Authent. §. si verò*: Unde reliqua filiis illegitimis cum vel sine Matre licebit attribuire. Quando Pater moritur intestatus, nec legitimo descendente, nec legitima uxore superstiti, duæ unciae sunt inter illegitimos, & eorum matrem, si ad-

Qui ex test. vel ab intest. succed. 59

adhuc vivat, æqualibus portionibus dividenda, reliqua ad legitimos hæredes transcunt. Superstite autem legitimo descendente (intellige cum Covar. in epit. p. 2. c. 8. §. 4. n. 9. & Baldo ab eo relato Claro q. 84. contra Mol. l. c. etiam ex re scripto Principis legitimum quia jura universaliter loquuntur) vel tantum legitima uxor, proles illegitima omni succedendi jure destituta est, non quia hæreditas, posito, quòd etiam sola uxor superstes sit, ad illam transfertur (hoc enim non fit) sed ne justam ex prolis illegitimæ Successione tristitiam capiat: hæc omnia constituta inveniuntur in sæpius cit. *Authent. §. si quis autem 4.* ex qua, uti & ex *L. ult. C. de naturalibus liberis* colligitur, ea omnia, quæ de Patre circa potestatem donandi, ex testamento, vel ab intestato relinquendi dicta sunt, extendenda etiam esse ad avum paternum respectu nepotis, vel pronepotis, nati legitimè ex filio illegitimo, vel illegitimè ex filio sive legitimo, sive illegitimo, cum hac tamen exceptione animadversa à Mol. loc. cit. concl. 5. quòd legitima uxor avi superstes, adeoque avia, non tantum non impediat successionem ab intestato in portione prædicta, sicut tamen impedit legitima Patris uxor, quæ non est Mater, sed quòd etiam eodem modo nepos succedat aviæ paternæ, quo succedit avo. Et eadem, quæ de filiis, ac nepotibus comparatione ascendentium pater-

paternorum dicta sunt, vicissim de ascendentibus comparatione descendantium intelligenda sunt, ut ab his ex donatione vel hæreditate capiant, quando prædicti descendentibus nullos proprios filios, aut nepotes habent, qui præferantur, ut iterum ex *Authent. quibus modis naturales cap. 13. Et ex Authent. licet C. de naturalibus liberis ad finem* redditur manifestum: nempe ut par pietas descendantium servent cum ascendentibus.

46. Hæc de Successione ex linea paterna; ex linea materna verò res est expeditior: nam Mater juxta *L. si qua illustris iuncta Gl. C. ad S. C. Orficiatum* Proles illegitima Naturalis æquali jure succedit, sicut legitima, & quo modo mater succederet suis ascendentibus paternis, vel maternis, eò succedunt nepotes, vel pronepotes naturales, sed tamen per stirpem, ac vicissim eodem modo succedunt ascendentes materni suis descendantibus, si hi nullos vltiores descendentes præferendos habeant juxta prædicta jura. Hæc, quæ de communicatione bonorum utriusque parentis, ex donatione, vel hæreditaria successione declarata sunt, de illis bonis intelligi debent, quæ ad congruam sustentationem necessaria non sunt: de hac enim si loquamur, etsi olim jure civili secundum *Authent. relatum cap. penult. Et Authent. ex complexu C. de incestus nuptiis* Parentibus fas non fuerit, filius spuriiis alimenta præbere, illa nimis

mirum

Qui ex test. vel ab intest. succed. 61

mirum, quæ ad maximam necessitatem naturalem propulsandam jure naturæ debita non erant; ea verò quæ sic debita erant, licet mater potius, quàm Pater, & in illius defectu ascendentes materni subministrare debuerint *L. si quis à Liberis §. idē ff. de liberis agnoscendis*, eo quòd magis certum erat, quænam esset Spuriorum Mater, quàm quis esset Pater; Jure Can. tamen hodie etiam in jure civili recepto, uterque parens tenetur filiis non solum Naturalibus, sed etiam Spuriis, quando statui suo convenientibus mediis aliunde habere non possunt, alimenta, & quæ horum nomine includuntur, omnia vitæ, & mortis tempore necessaria juxta qualitatem personarum ac circumstantiarum suppeditare, ut statuitur in *cap. cum haberet, de eo, qui duxit in Matrimonium*. Deficientibus autem parentibus transfertur eadem obligatio in avum, non solum maternum, sed supposito Jure Can. etiam in paternum, ut colligitur ex *L. penult. ff. de liberis agnoscendis*, & vicissim descendentes, cum possunt, eodem modo obligantur ascendentibus in rerum necessariorum inopia aliunde non sublevabili constitutis, succurrere. *L. si quis à liberis in principio ff. de liberis agnoscendis, & L. 1. 2. & seqq. C. de alendis liberis §. filia tua C. de patria potestate.*

47. Præter enumeratos, & vel ex propria, vel aliena culpa dicto modo in capaces successio-

cessionis hæreditariæ, adhuc sunt alii, qui lege præcisè pœnali, non autè irritante, ac eoq; primùm per sententiam judicis, jure siue ex testamento, siue ab intestato succedendi privantur. Primò, qui Cardinalem S. R. E. hq-
siliter sunt persecuti, vel ad ejusdem hostilem persecutionem cooperati *cap. felix de de penis in 6.*

Secundò, qui testatorem, vel intestatum interfecerunt. *L. cum ratio §. 4. ff. de bonis damnatorum.* imò qui tantùm negativè ad mortem illius concurrerunt, non succurrendo, cum facillè possent. *L. indignum ff. de his, quæ ut indignis:* quòd si tamen testator ante mortem injuriam remittat, reumque hæredem, vel instituat, vel testamentum, cum posset, non immuret, poterit institutus, nisi aliunde excludatur, ad hæreditatem admitti. *L. ult. C. de revocandis donationibus.* Tertiò, qui interfectorem testatoris cognitum sibi, si is erat de familia hæredis (nec tamen ejus Pater, aut filius) ante apertum testamentum (nisi propter cognoscendum, hæredem fuerit aperiendum) & ante aditam hæreditatem non accusat, punitionemque expectat. *L. penult. C. de his, quibus ut indignis, & L. 3. §. quod ad causam, & seqq. ff. de S. C. Syl-
laniano.* vel si is non erat de familia hæredis, qui saltem post aditam hæreditatem accusationem non intentat, ac persequitur usque ad punitionem interfectoris. *L. hæredes C. de his,*

Qui ex test. vel ab intest. succed. 63

his, quibus ut indignis, & L. hæredem ff. eod.
Quartò, qui defunctum vi, aut fraude prohibuit condere, vel immutare testamentum *Authent. ut nulli iudicium* 134. cap. *& hoc per Senit.* Quintò, qui usque ad ultimam Sententiam iniquè oppugnavit testamentum *L. alia causa C. de his quibus ut indignis.* Sextò, qui testatori saltem tacitè extra testamentum vel codicillum roganti promissit, se restiturū hæreditarem, aut partem illius filio illegitimo, vel alteri, quem testator prohibitus est instituere *L. 3. in principio, & §. cum ex causa, & L. penult. ff. de iure fisci.* In his casibus post latam sententiam hæreditas devolvitur ad fiscum; fiscus tamen recipit obligationem exsolvendi debita defuncti, juxta vires hæreditatis *L. non possunt ff. de iure fisci*, & exsequendi omnia legata *L. dicitur ff. eodem. nisi* iis traditis non amplius remaneret fisco quarta pars totius hæreditatis; hanc enim instar hæredis instituti detrahere potest *L. Marcellus §. ult. ff. ad S. C. Trebellianum.* Septimò, si is, cui hæredes succedunt, mente captus, vel furiosus fuit, illique hujus curam neglexerunt, hæreditas devolvitur ad extraneum, qui ejus curam gessit *Authent. ut cum de appellatione cognoscitur* 115. cap. 3. §. *si quis de predictis*: si nullus curam gessit, test. Mol disp. 176. in causa duodecima exhæredationis, hæreditas per sententiā judicis fisco applicanda est, quod colligit ex *L. 3. ff. de his, qui ut indignis.* O.

Etavò, si hæredes 18. ætatis annos egressi neglexerunt in captivitate defunctum redimere, hæreditas captivorum redemptioni per Episcopum proprium defuncti applicanda est. *Authent. ut, cum de appellatione cap. 3. § si unum de prad. etis.*

CAPUT VI.

Quo ordine hæredes ab intestato succedant defuncto.

48. **P**RO continuatione, & integritate Doctrinæ circa potestatem succedendi traditæ, explicandus etiam est ordo Successionis hæredum ab intestato, qui cum in graduum consanguinitatis serie potissimum fundetur, sciendum est, gradus lineæ transversæ, seu consanguineorum collateralium non computari more juris Can. in contrahendis Matrimonii observando, sed more juris civilis, in ordine ad successiones hæreditarias, etiam à jure Ecclesiastico recepto, juxta quem gradus distantia utriusque collateralis à communi stipite per additionem unius numeri ad alterum connumerantur, ita ut fratres duobus, Patrius, & nepos ex fratre tribus, patrueles quatuor gradibus inter se distent, quia singuli fratres, & patruus uno, nepos verò, & uterq; patrueles duobus gradibus distant à communi stipite.

49. Quando itaque quispiam sine omni,
aut

Quo ord. hæc. ab intest. succed. 65

aut sine valido testamento decessit, siue quia non habuit testamenti factionem activam, siue quia non fecit (quorum prior dicitur improprie, posterior autem proprie intestatus decedere *L. 1. ff. de suis, & legitimis.*) Primò iuxta *Novell. 118. cap. 1.* ad hæreditatem vocantur legitimi filii, & filiae, siue sui juris sint, siue non, qui in capita ad portiones æquales succedunt; uno autem eorum mortuo, portio illius ad huius descendentes transfertur; unde nepotes ad hæreditatem avi non in capita, sed in stirpes admittuntur cum immediatè descendentes, quia personam Parentis representant, quamvis immediatos descendentes omnibus mortuis probabilius proprio jure, & sic non in stirpes, sed in capita hæreditatem capiant. Dixi *uno eorum mortuo*: nam si solum repudiet hæreditatem, negat Covar. de Successionibus ab intestato n. 10. & 11. Bart. Ant. Gomez, Mol. disp. 164. concl. 8. asserens etiam communiter negari, quod filii representent, personam repudiantis hæreditatem, proinde dicunt, eius portionem accrescere aliis hæredibus immediatis, ut colligitur ex *L. 1. §. 8. ff. de suis, & legitimis hæredibus*, quæ lex non tantum non videtur esse correctæ, sed potius confirmata per legem *defunctis C. de legitimis hæredibus*. Et ratio ulterior est, quia hoc ipso quod principalis nolit adire hæreditatem, neque alius videtur illius nomine posse adire, ergo nemo

po-

potest repræsentare eius personam ad hæreditatem adeundam, sed vel proprio majoris propinquitatis jure ad ipsum devoluto, vel nullo jure potest adire.

50. Secundo deficientibus legitimis descendens *juxta cit. Novell. 118. cap. 2.* Succedunt proximi ascendentes, quorum unico superstite omnes remotiores excluduntur, neq; ipsis conceditur repræsentatio proximioris, sicut nepotibus. cū ipsis autē ascendens, succedentib⁹ in capita, si immediati sunt, vel in stirpes, si mediati, admittuntur etiā fratres, & sorores, ex utroq; parente cum defuncto conjuncti, & actu existentes; horum enim repræsentatio nō conceditur eorū filiis ad hæreditatē cum ascendens dividendā, nisi *juxta Novell. 127. c. 1.* quoad hoc correctoriam prioris *Novella 118. Versu, si autem cum fratribus* excipiendum est; præter ascendentes adhuc vivat alius frater, aut soror defuncti, retinens quasi jus succedendi penes lineam transversam; ne ad solos ascendentes transeat. Licet autem contra Bart. L. post dotem C. soluto Matrimonio *ex cit. Novella 118. cap. 2.* probabilius colligatur cum Fachinæo Harbrecht, & Hunnio relatis, & approbatis à R. P. Christ. Haunoldo §. 13. n. 6. & cum Mol. diisp. 163. quod nulla facienda sit distinctio bonorum, ut ascendentes Paterni succedant soli in bonis ex eorum linea in defunctum derivatis, & Materni in bonis ex
sua

Quo ord. har. ab intest. succed. 67

sua linea convenientibus; si tamen Pater, vel Mater ante, aut post obitum hæreditatem filii transiret ad secundas Nuptias, tunc Mater bona Paterna, vel Pater bona materna cogeretur post mortem suam relinquere fratribus, aut sororibus defuncti filii. si saltem aliquis eorum, & non soli nepotes ex ipsis superstites sint, ut constat ex *L. familia §. ult. Et ex Authent. ibi subiuncta C. de secundis nuptiis*. vel nisi ex testamento defuncti, si iste testari potuit, & non tantum ab intestato ad secundas nuptias transiens hæreditatem adivisset, ad quam sicut alius extraneus, si testator habilis est, adeoque sine omni onere institui potest. *Authent. ex testamento C. de secundis nuptiis*. Cui non obstat *lex familia*, in qua Mater ad secundas nuptias transiens jubetur bona mariti sive ex testamento, sive alio modo acquisita filiis ex eodem Matrimonio super viventibus restituere, concessio ipsi solo Domino ad dies vite absque facultate alienandi in personam extraneam: nam hæc lex est specialiter facta in gratiam defuncti conjugis, ut vidua à secundis nuptiis abstinens in honorem illius continentiam servet, unde non restringit eius potestatem perfecte testandi.

§ 1. Tertiò, nec legitimis descendantibus, nec ascendentibus ullis amplius extantibus ad hæreditatem veniunt proximiores consanguinei collaterales usque ad decimum

gra-

gradum inclusivè (loquendo de hæreditatibus communibus , nam in feudis solùm usque ad septimum gradum, in majoratibus autem indefinitè usque ad quemque succeditur) sive sint agnati, id est, consanguinei ex parte Patris, sive cognati, id est, consanguinei ex parte Matris, quia concessio æquali jure succedendi fœminis, & maribus in *Authent. de hæredibus ab intestato* 118. sublatum etiam est agnationis, & cognationis discrimen, & vis juris antiqui, agnatis usque ad decimum, cognatis usque ad sextum, vel quandoque usque ad septimum gradum concedentis successione. Inter consanguineos itaque laterales in prædicta Authent. primi ad hæreditatem vocantur ex utroque parente conjuncti fratres, & sorores in capita, & in horum defectu eorum filii in stirpes; licet enim istis non concedatur repræsentatio Patris, aut Matris adversus defuncti ascendentes, quando ex reliquis fratribus, & sororibus eidem utrique conjunctis nemo superest, aut antè dixi, conceditur tamen in §. *unde consequens* est adversus fratres, & sorores ex uno tantùm parente conjunctos defuncto, scilicet vel consanguineos tantùm ratione Patris, vel tantùm uterinos ratione ejusdem Matris: unde isti, quantumvis in secundo gradu attingentes defunctum, excluduntur à suis nepotibus relictis ex fratre, vel sorore; originem trahente ab eodem Patre, & Matre defuncti: imò

Quo ord. hæc ab intest. succed. 69

imò Laym. cap. 6. n. 3. refert constitutionem Carolinam 1529. Spiræ in comitiis editam, vi cujus nepotes ex fratribus, aut sororibus defuncto utrinque conjunctis proprio jure, adeoque in capita succedunt, si fratres superstites ex uno tantum parente agnati, vel cognati sint; unde multò magis, si etiam illi è vivis decesserunt, utrinque conjunctorum filii non in stirpes, sed in capita vocandi sunt, ut contra *Gl. Accursi in Novell. 118. cap. 3. §. si autem defuncto.* Bartolum in l. post consanguineos §. agnati §. hæc hæreditas ff. de suis & legitim. & ut Mol. videtur cit. disp. post concl. 7. contra communioem Sententiam, docet ipse Mol. Covarr. de Successionib. ab intest. n. 8. & alia *Accurs. Gl. instit. de legitima agnatorum Successione §. hoc etiam verbo superstites,* & constat ex ipso textu §. si plures, & ex L. 2. §. hæc Hæreditas ff. de suis & legitimis hæredibus L. 12. tabularum & illud procul dubio C. de legitimis hæredibus. Neque repugnat in materia de Successione omnibus juribus præferenda *Novell. 118.* quia illa loquitur de Successione in stirpes, quando filii fratrum cum suis patruis succedunt; pro nostro autem casu non est correctum ab illa jus antiquum, secundum quod nulla dabatur repræsentatio fratrum, Alia adhuc ex prædictis inferitur sequela, nempe si filii fratrum utrinque conjunctorum excludant ab hæreditate fratrem defuncti ex uno parente con-

D

jun-

junctum, multò magis exclusuros patrum, cum huic ipse frater, à filiis exclusus præferatur.

52. Post fratres utrinque conjunctos, eorumque filios, ac filias, si nullus amplius superfit, subeunt in eorum vices, ac jura fratres (idem est de sororibus) consanguinei, vel uterini tantum, quorum repræsentationem, etsi aliqui putent, non concedi eorum filiis, sed negari in *Novell. 118. cap. 3. §. huiusmodi Verò privilegium*, probabilius tamen judico cum Laym. loc. cit. Mol. disp. 114. concl. 5. *ex Authent. post fratres C. de legitimis hæredibus*, & multò magis *ex cit. Novell. 118. cap. 3.* colligi oppositum, quia in *§. huiusmodi Verò privilegium* sine discrimine fatrum, utrum ex utroque, vel uno parente conjuncti sint, inter quos tamen antè quoad jus succedendi facta erat distinctio, subjungitur: *huiusmodi Verò privilegium in hoc ordine cognationis (collateralium scil.) solis præbemus fratrum masculorum, & faminarum filiis, aut filiabus, ut in suorum fratrum iura succedant*: & hæc universalis filiorum ex quibuscunque legitimis fratribus acceptio quasi repetitur, & renovatur sequenti *§. sed & ipsis fratrum filiis*. Aliud quoque discrimen, quod AA. adhuc quidem communiter observant in ipsis bonis, ut scil. uterinus defuncti præferatur ejus fratri consanguineo ex Patre in bonis maternis, & consanguineus uterino in bonis paternis, in reliquis

Quo ord. hæc. ab intest. succed. 71

liquis verò aliunde acquisitis sint æquales, prout habetur in *L. de emancipatis filiis C. de legitimis heredibus*, videtur planè ab eadem Novella *cap. 3.* sublatum esse, sicut sublatum est discrimen sexûs, quoad jus succedendi; nam expressè absque restrictione ad bonâ, hæc universalia verba leguntur: *In secundo ordine illos fratres ad hereditatem vocamus, qui ex uno parente coniuncti sunt defuncto, si-ve per patrem solum, si-ve per matrem.* Hanc ergo præcedentis legis correctionem observavit Hunnius, & Bachovius, quos securus est R. P. Haunoldus in th. §. 13. n. 11.

53. Fratribus, eorumque filiis proximi consanguinei, & cognati usque ad decimum gradum secundum computationem juris civilis subrogantur, absque discrimine antè in fratribus observato, v. g. utrum patruus, vel avunculus defuncti ex utroque; aut ex uno tantum generante patris, vel matris frater fuerit. Unde si defuncti Patet duos fratres habuit, unum ex eodem Patre, & Matre, alterum verò ex solo Patre, vel sola Matre eadem, nihilominus iste succedit æquali, jure cum illo etiam supervivente, eo verò non supervivente, neque aliâ personâ æquè propinquâ, solus succedit, etiam si ex defuncti fratre utrinque conjuncto nepotes supersint. Ratio est, tum quia duplex conjunctio simplici solum in fratribus, eorumque filiis à jure præfertur, adeoque in aliis consanguineis

non est requirenda : tum quia repræsentatio proximi hæredis, nempe fratris defuncti conceditur in *Novell. 118. §. huiusmodi Verè privilegium* solum filiis fratrum, non autem nepotibus, adeoque hi primum, postquam sublatis sunt propinquiore consanguinei ex proprio jure, & in capita succedunt, à patruo autem tanquam viciniore excluduntur, ut patet ex *Authent. post fratres, fratrumque filios C. de legitimis hæredibus.*

54. Omnibus consanguineis usque ad decimum gradum inclusivè morte sublatis, aut inhabilibus redditis, nulloque ante mortem divortio conjugum facto, uxor marito, & vicissim maritus uxori succedit in omnibus bonis *L. unica C. unde vir, & uxor, & L. unica ff. eodem.* imò si maritus uxorem sine dote susceptam, & aliunde non habentem, unde vivat, cum Liberis post se relinquat, cum illis uxor (idem statutum est de marito) succedit in quarta parte bonorum, quando liberi non sunt plures, quàm tres, aliàs succederet etiam in capita ad partem virilem, seu æqualem, donec portio illius non superaret centum libras auri (continet autem libra auri 72. solidos *L. quotiescunque C. de Susceptoribus, & arcaris*) debet tamen uxor portionem suam Liberis ejusdem Matrimonii post mortem cedere, si supersint, solo usufructu contenta, & hanc portionem ingreditur etiam legatum, si maritus huiusmodi

tran-

Quo ord. hær. ab intest. succed. 73

transcripserit ante suam mortem, habentur hæc in *Authent. 53. de exhibendis reis cap. 6.*

¶ *Authent. 117. ut liceat matri, & avia c. 5.*

Prædictis hæredibus omnibus deficientibus hæreditas Laici devolvitur ad fiscum sæcularem, Clerici ad fiscum Ecclesiasticum, *L. Vacantia C. de bonis Vacantibus*, si autem defunctus sit peregrinus in hospitali sine testamento obiens, bona ejus mobilia ibi reperta per Episcopum loci sunt distribuenda ad pias causas *Authent. omnes peregrini C. communia de Successionibus.*

C A P U T VII.

De Exhæredatione.

55. **E**Xhæredari illi dicuntur, qui cum juxta leges in portione legitima supra descripta hæredes institui debèrent, in testamento expressâ, atque à testatore, vel ab hærede sufficienter probatâ aliquâ ejusmodi causâ, quales in *Authent. ut cum de appellatione cognoscitur 115.* percensentur, vel positivè, ac directè ab hæreditate repelluntur, vel ut contra Bart. & multos alios ostendit Mol. disp. 175, saltem significantur præteriri; sic enim in cit. *Authent. cap. 3.* in principio habetur: *Sancimus igitur, non licere penitus, aut exhæredes in testamento facere nisi forsan probabuntur ingrati, & ipsas nominatim ingratitudinis causas parentes in suo infere-*

ruerint testamento. Vnde ergo ex opposito colligitur, quod si causa probata, & expressa fuerit, præteritio, & directa exhereditatio eundem effectum habeat, uti etiam manifestum est ex cap. 4. §. *Et hæc quidem exheredationis.*

§. 6. Necessè est itaque breviter enumerare causas, ob quas filii à parentibus exheredari possunt *iuxta cit. Novell. cap. 3.* Prima. si quis parentibus suis manus intulerit, intellige, per violentiam graviter iniuriosam, qualis nimirum requiritur ad excommunicationem injicientis manus in Clericum. Secunda. si gravem, & inhonestam injuriam eis ingesserit, v.g. contumeliam, quæ considerato statu personarum, & alijs circumstantiis secundum prudens iudicis arbitrium gravis censeretur. Tertia. si eos in criminalibus causis accusaverit, quæ non sunt adversus Principem vel Rempubicam, extendit hanc causam Covar. cap. Raynutius in principio n. 10. etiam ad testem non coactum contra parentem in huiusmodi crimine, quod saltem exilio perpetuo, membri amissione &c. puniendum esset. Quarta. si cum maleficis hominibus ut maleficus versatur, quod intellige collectivè. Quinta. si vitæ parentum suorum per venenum, aut alio modo insidiari tentaverit; quod Covarr. loc. cit. n. 13. explicat cum hac limitatione, nisi pœnitentiâ ductus, antequam scelus detegeretur, destitisset, & cum hac extensione, ut eti-

am moraliter tantum cooperantem, aut venenum in hunc finem parantem comprehendat. Sexta, Si novercæ suæ aut concubinæ Patris filius sese immiscuerit: quod intellige juxta jura de unica ad corporis usum domi retentâ, & à filio agnitâ, idque multò magis de propria Matre accipiendum est. Septima, si delator contra parentes filius extiterit, & per suam delationem gravia, eos dispendia fecerit sustinere: intellige in Sensu colectivo de judiciali delatione, & de dispendiis honoris, vel bonorum temporalium actu secutis, in quo differt ista à tertia causa, non exigente, ut damnum in bonis corporis actu sequatur. Octava, si filius (excipitur tamen filia, etiamsi dicas, foeminas ex Privilegio Velleiano fideiussores esse posse) pro persona, aut debito Patris in vinculis detenti rogatus, & idoneus fideiussionem præstare recusaverit. Nona, si quis prius volentem facere, vel immutare testamentum violenter, aut dolosè impeditivisse comprobetur, v. g. remorando tabellionem, vel testes: quòd si nec postea testamentum facere, aut immutare parens potuerit portio sic impedi-entis ad fiscum devolvitur, & passis damnum tenetur in duplum *Authent. ut nulli iudicium* 134. cap. 3. §. *& hoc pervenit*, si autem solvendo non sit, debet saltem ex hæreditate illis tantum restitui, quantum constiterit, defunctum ipsis voluisse pro parte hæreditatis,

aut legati assignare, ut patet ex primò *cit. Nov. 115*. Decima, si præter, id est, contra voluntatem parentum arenariorum, vel mimorum munus quis susceperit, & in eo permanferit. Undecima, si filia; aut neptis potens impetrare maritum, & competentem dotem ante 25. annum completum luxuriosam degere vitam elegerit (id est, non tantum occulta, sed publica & communis meretrix fuerit) vel invitis parentibus ante, aut post 25. annum mancipio nupserit. Duodecima, si filius, aut filia parentis furiosus (intellige probabiliter quomodocunque mente capti) curam neglexerit, potest sibi restitutus tam ingratam prolem exhæredare. Decima tertia, si filius, aut filia 18. ætatis annos egressa parentem à captivitate redimendi moram fecerit, pro qua redemptione conceditur ipsi potestas celebrandi firmum contractum, venditionis bonorum tam immobilium, quàm mobilium. Decima quarta, si à fide Catholica parentum quispiam defecerit; ad eam tamen redeunti pars competens ab hæredibus erit reddenda sine compensatione damni interea tolerati.

57. Causæ, ob quas si eæ expressæ, & probatæ fuerint, ascendentes à descendantibus bonorū testamento disponibiliū exhæredes fieri possunt, in prædicta *Novell. cap. 4*. statuuntur ex enumeratis sequentes, nempe tertia, quinta (extendendo eam etiam ad machina-

nationem necis, quam ex ascendentibus unus alteri conjungi intentaverit.) Sexta (ubi pro neverca conjux intelligenda est.) Nona, Duodecima, decima tertia, decima quarta. Atque hæ causæ sicut sufficiunt ad repellendum ascendentem, vel descendentem ab hæreditate, sic etiam sufficiunt ad neganda alimenta supra simpliciter necessariam vitæ sustentationem, & ad negandam dotem filiæ, aut nepti, ut colligitur ex *L. ult. C. de alendis liberis L. si quis à liberis §. idem iudex ff. de agnoscendis, & alendis liberis.*

§ 8. Circa recensitas exhæredationis causas quæritur primò, an præter illas 14. ob aliam causam æquè gravem, vel graviolem, liceat parenti exhæredare filium; affirmat communis Sententia nominatim Covar. cap. Raynutius de testamentis n. 16. Iul. Clar. q. 41. Emmanuel à Costa §. & quid si tantum p. 3. à n. 173. Carol. Mol. l. 1. de primog. c. 9. à n. 32. Probabilius negat Hostiensis, Alexander, quos sequitur Mol. disp. 176. omis- sis autem cæteris rationibus, quas citatus Author optimè adducit, nobis sufficiat textus *Novell. 115. cap. 3. in principio*, ubi dicitur: *necessarium esse perspeximus, eas (causas) nominatim præsentis lege comprehendere, ut præter ipsas nulli liceat ex alia lege (multò magis omissas omni lege) ingratitudinis causas opponere, nisi quæ in huius constitutionis serie continentur.* Vnde idem videtur dicendum de

causis exhæredandi ascendentem, ita ut neque propter reliquas, quæ ex prioribus quatuordecim omissæ sunt, liceat exhæredare; aliàs opus non fuisset aliquas specialiter repetere, & alias omittere.

59. Q. 2. Vtrum testatore per mortem prævento propter causam aliquam ex prædictis sufficienter probatam liceat hæredibus reum ab hæreditate excludere. R. negativè, cum neque Pater possit, nisi expressâ causâ in testamento, ut patet *ex cit. Authent.*

60. Q. 3. An causa exhæredationis per pœnitentiâ delinquentis vim suâ omittat. R. contra Panorm. Sylv. & plures alios cum Covar. in cap. Raynutius n. 18. & 19. negativè; quia pœnitentia valet tantum in foro interno, non externo: ex speciali tamen privilegio vim suam amittit per professionem religiosam *iuxta cap. ult. 19. q. 3. & constitutionem Novell. 123. cap. 41.* tamen si hæc in aliquibus codicibus non reperiatur.

61. Q. 4. An sicut tacitè, vel expressè remissâ exhæredationis causâ probabilius Pater non potest amplius exhæredare filium, quia deficit causa, sic, si post factam exhæredationem culpam ingratitudinis remittat, testamentum annulletur propter supervenientem defectum causæ. Affirmat Bartol. L. 3. ff. de adimendis legatis, distinguit Covar. cap. Raynutius à n. 17. affirmans in expressa, negans in tacita remissione: absolutè negat

Mol.

Mol. colum. 731. sed propter querelam inof-
ficiosi peti posse rescissionem; rationem au-
tem absolutæ negationis reddit ex *L. filio*,
quem Pater ff. de liberis & posthumis, ubi ex-
hæreditato filio emancipato expressè dicitur
exhæredatio adhuc nocere, etiamsi culpa
per adoptionem in filium remittatur; ve-
rùm responderi posset, ex ratione immédia-
tè subjunctâ, ideo nocere, quia cùm ad valo-
rem adoptionis requiratur, ut adoptatus non
sit filius naturalis, sed extraneus, ideo per
adoptionem invalidam non censi etiam
tacitè remissam causam exhæredationis; un-
de ego inclino in primam Sententiam Bart.
quia sicut, ut exhæredatio initio sit valida,
requirit existentiam causæ, sic etiam ut per-
severet esse valida, videtur requirere perse-
verantiam causæ.

CAPUT VIII.

De aditione hæreditatis.

62. **C**irca aditionem hæreditatis in *L. ult.*
C. de iure deliberandi sequentia sunt
constituta, scil. ut hæredes sive ab intestato,
sive ex testamento vocati post apertas tabulas
testamenti, vel cognitam succedendi facul-
tatem, hæreditatem aut intra trimestre spati-
um adeant cum onere solvendi omnia debi-
ta, & expensas funebres defuncti, omniaque
legata, ac fideicommissa exsequendi, aut a-
pertè

pertē eidem renuntient, si viderint totum
 assem imposito oneri non sufficere. Quia
 verò antiquo jure majus deliberandi spatium,
 & quidem eodem jure Codicis *tit. eod. L. cum*
antiquioribus integer annus concedebatur ad
 cavendum damnum hæredis, qui post aditam
 hæreditatem tanquam eadem cum defuncto
 persona obligabatur omnibus ejus creditori-
 bus, ita ut de proprio Patrimonio, nisi militis
 privilegio fuerit exemptus, illis satisfacere
 debuerit, quando tota hæreditas non suffi-
 ciebat; ideo ut & huic periculo hæredis
 prospiceretur, & simul aliud periculum cave-
 retur, quo faciliè fieri poterat, ut hæredes
 ex bonis toto deliberandi tempore penes se
 detentis aliqua subducerent, atque occule-
 rent (quæ quidem deprehensa fraude in du-
 plum restituere post iudicis sententiam debe-
 rent) & deinde hæreditati velut insufficienti
 ad onera hæreditaria subeunda renuntiarent,
 utrique alio remedio, cæteris hominibus æ-
 què, ac militibus benefico consultum est;
 statuendo nimirum, ut intra triginta dies post
 cognitam vocationem ad hæreditatem hæ-
 res inventarium, id est, conscriptionem om-
 nium bonorum post mortem defuncti in-
 ventorum inciperet facere, & intra alios 60.
 dies, si bona erant præsentia, vel intra an-
 num, si erant longè dissita, illud absolveret,
 quo præstito secundum communio-rem Sen-
 tentiam teste Alvaro Valasco, nec improban-

De aditione hæreditatis. 81

te Mol. disp. 218. satisfit legi quoad substantiam, etiamsi intra præscriptum tempus non fuerit inceptum, sicut etiam si signum crucis hæredis manu, uti præcipitur, principio inventarij non fuerit præfixum; quia idem finis obtinetur, & levis solennitatis neglectus non vitiat actum *L. 1. §. ult. ff. de inspiciendo Ventre*. Requiritur tamen etiam citatio creditorum, & legatariorum, qui in dicta lege nomine personarum necessariarum intelliguntur, ut de legatariis, vel eorum procuratoribus, aut in absentis vicem tribus testibus adhibendis significatur in *Authent. de hæredibus, & Falcidia cap. 2. §. fiat igitur*: quod multò magis de creditoribus vocandis, veluti expressè statutum esset, supponendum est; quia horum ad evitandum damnum, illorum verò ad obtinendum lucrum interest, ut suâ præsentia, fraudes impèdiant. Præterea exigitur præsentia Pub. Notarij, seu tabellionis, aut tabellionum, si præter ordinarium aliùs diversus sit necessarius, prout est, quando hæres propria manu nequit subscribere, quemadmodum debet vel per se, vel per hujusmodi alium præsentibus testibus, significans, totam hæreditatis quantitatem in ipso inventario expressam esse, & à se indiminuatam servatum iri. Quòd si igitur hæres, vel hæredes juxta præscriptam formam inventarium confecerint, conceduntur ipsis sequentia privilegia.

non est requirenda : tum quia repræsentatio proximi hæredis, nempe fratris defuncti conceditur in *Novell. 118. §. huiusmodi* Verò privilegium solum filiis fratrum, non autem nepotibus, adeoque hi primum, postquam sublatis sunt propinquiore consanguinei ex proprio jure, & in capita succedunt, à patruo autem tanquam viciniore excluduntur, ut patet ex *Authent. post fratres, fratrumque filios C. de legitimis hæredibus.*

54. Omnibus consanguineis usque ad decimum gradum inclusivè morte sublatis, aut inhabilibus redditis, nulloque ante mortem divortio conjugum facto, uxor marito, & vicissim maritus uxori succedit in omnibus bonis *L. unica C. unde vir, & uxor, & L. unica ff. eodem.* imò si maritus uxorem sine dote susceptam, & aliunde non habentem, unde vivat, cum Liberis post se relinquat, cum illis uxor (idem statutum est de marito) succedit in quarta parte bonorum, quando liberi non sunt plures, quàm tres, aliàs succederet etiam in capita ad partem virilem, seu æqualem, donec portio illius non superaret centum libras auri (continet autem libra auri 72. solidos *L. quotiescunque C. de Susceptoribus, & arcaris*) debet tamen uxor portionem suam Liberis ejusdem Matrimonii post mortem cedere, si supersint, solo usufructu contenta, & hanc portionem ingreditur etiam legatum, si maritus huiusmodi tran-

Quo ord. hær. ab intest. succed. 73

transcripserit ante suam mortem, habentur hæc in *Authent. 53. de exhibendis reis cap. 6.*
¶ *Authent. 117. ut liceat matri, & avia c. 5.*

Prædictis hæredibus omnibus deficientibus hæreditas Laici devolvitur ad fiscum sæcularem, Clerici ad fiscum Ecclesiasticum, *L. Vacantia C. de bonis Vacantibus*, si autem defunctus sit peregrinus in hospitali sine testamento obiens, bona ejus mobilia ibi reperta per Episcopum loci sunt distribuenda ad pias causas *Authent. omnes peregrini C. communia de Successionibus.*

C A P U T VII.

De Exhæredatione.

55. **E**Xhæredari illi dicuntur, qui cum juxta leges in portione legitima supra descripta hæredes institui debèrent, in testamento expressâ, atque à testatore, vel ab hærede sufficienter probatâ aliquâ ejusmodi causâ, quales in *Authent. ut cum de appellatione cognoscitur 115.* percensentur, vel positivè, ac directè ab hæreditate repelluntur, vel ut contra Bart. & multos alios ostendit Mol. disp. 175. saltem significantur præteriri; sic enim in cit. *Authent. cap. 3. in principio* habetur: *Sancimus igitur, non licere penitus, aut exhæredes in testamento facere nisi forsân probabuntur ingrati, & ipsas nominatim ingratitudinis causas parentes in suo infe-*

ruerint testamento. Vnde ergo ex opposito colligitur, quod si causa probata, & expressa fuerit, præteritio, & directæ exhereditatio eundem effectum habeat, uti etiam manifestum est ex cap. 4. §. *Et hæc quidem exheredationis.*

56. Necessæ est itaque breviter enumerare causas, ob quas filii à parentibus exheredari possunt *iuxta cit. Novell. cap. 3.* Prima. si quis parentibus suis manus intulerit, intellige, per violentiam graviter iniuriosam, qualis nimirum requiritur ad excommunicationem injicientis manus in Clericum. Secunda. si gravem, & inhonestam injuriam eis ingesserit, v.g. contumeliam, quæ considerato statu personarum, & alijs circumstantiis secundum prudens judicis arbitrium gravis censeretur. Tertia. si eos in criminalibus causis accusaverit, quæ non sunt adversus Principem vel Rempubicam, extendit hanc causam Covar. cap. Raynutius in principio n. 10. etiam ad testem non coactum contra parentem in hujusmodi crimine, quod saltem exilio perpetuo, membri amissione &c. puniendum esset. Quarta. si cum maleficis hominibus ut maleficus versatur, quod intellige collectivè. Quinta. si vitæ parentum suorum per venenum, aut alio modo insidiari tentaverit: quod Covarr. loc. cit. n. 13. explicat cum hac limitatione, nisi pœnitentiâ ductus, antequam scelus detegeretur, destitisset, & cum hac extensione, ut etiam

am moraliter tantum cooperantem, aut venenum in hunc finem parantem comprehendat. Sexta, Si novercæ suæ aut concubinæ Patris filius sese immiscuerit: quod intellige juxta jura de unica ad corporis usum domi retentâ, & à filio agnitâ, idque multò magis de propria Matre accipiendum est. Septima, si delator contra parentes filius extiterit, & per suam delationem gravia, eos dispendia fecerit sustinere: intellige in Sensu colectivo de judiciali delatione, & de dispendiis honoris, vel bonorum temporalium actu secutis, in quo differt ista à tertia causa, non exigente, ut damnum in bonis corporis actu sequatur. Octava, si filius (excipitur tamen filia, etiam si dicas, foeminas ex Privilegio Velleiano fideiussores esse posse) pro persona, aut debito Patris in vinculis detenti rogatus, & idoneus fideiussionem præstare recusaverit. Nona, si quis prius volentem facere, vel immutare testamentum violenter, aut dolosè impeditivisse comprobetur, v. g. remorando tabellionem, vel testes: quòd si nec postea testamentum facere, aut immutare parens potuerit portio sic impedi-entis ad fiscum devolvitur, & passis damnum tenetur in duplum *Authent. ut nulli iudicium* 134. cap. 3. §. *& hoc pervenit*, si autem solvendo non sit, debet saltem ex hæreditate illis tantum restitui, quantum constiterit, defunctum ipsis voluisse pro parte hæreditatis,

aut legati assignare, ut patet ex primo *cit.* *Nov. 115.* Decima, si præter, id est, contra voluntatem parentum arenariorum, vel mimorum munus quis susceperit, & in eo permanferit. Undecima, si filia; aut neptis potens impetrare maritum, & competentem dotem ante 25. annum completum luxuriosam degere vitam elegerit (id est, non tantum occulta, sed publica & communis meretrix fuerit) vel invitis parentibus ante, aut post 25. annum mancipio nupserit. Duodecima, si filius, aut filia parentis furiosi (intellige probabiliter quomodocunque mente capti) curam neglexerit, potest sibi restitutus tam ingratam prolem exhæredare. Decima tertia, si filius, aut filia 18. ætatis annos egressa parentem à captivitate redimendi moram fecerit, pro qua redemptione conceditur ipsi potestas celebrandi firmum contractum, venditionis bonorum tam immobilium, quàm mobilium. Decima quarta, si à fide Catholica parentum quispiam defecerit; ad eam tamen redeunti pars competens ab hæredibus erit reddenda sine compensatione damni interea tolerati.

57. Causæ, ob quas si eæ expressæ, & probatæ fuerint, ascendentes à descendantibus bonorum testamento disponibiliū exhæredes fieri possunt, in prædicta *Novell. cap. 4.* statuuntur ex enumeratis sequentes, nempe tertia, quinta (extendendo eam etiam ad machina-

nationem necis, quam ex ascendentibus unus alteri conjungi intentaverit.) Sexta (ubi pro neverca conjux intelligenda est.) Nona, Duodecima, decima tertia, decima quarta. Atque hæ causæ sicut sufficiunt ad repellendum ascendentem, vel descendentem ab hæreditate, sic etiam sufficiunt ad neganda alimenta supra simpliciter necessariam vitæ sustentationem, & ad negandam dotem filiæ, aut nepti, ut colligitur ex *L. ult. C. de alendis liberis* *L. si quis à liberis §. idem iudex ff. de agnoscendis, & alendis liberis.*

§ 8. Circa recensitas exhæredationis causas quæritur primò, an præter illas 14. ob aliam causam æquè gravem, vel graviolem, liceat parenti exhæredare filium; affirmat communis Sententia nominatim Covar cap. Raynutius de testamentis n. 16. Iul. Clar. q. 41. Emmanuel à Costa §. & quid si tantum p. 3. à n. 173. Carol. Mol. l. 1. de primog. c. 9. à n. 32. Probabilius negat Hostiensis, Alexander, quos sequitur Mol. disp. 176. omis- sis autem cæteris rationibus, quas citatus Author optimè adducit, nobis sufficiat textus *Novell. 115. cap. 3. in principio*, ubi dicitur: *necessarium esse perspeximus, eas (causas) nominatim præsentis lege comprehendere, ut præter ipsas nulli liceat ex alia lege (multò magis omittas omni lege) ingratitudinis causas opponere, nisi qua in huius constitutionis serie continentur.* Vnde idem videtur dicendum de

causis exhæredandi ascendentem, ita ut neque propter reliquas, quæ ex prioribus quatuordecim omissæ sunt, liceat exhæredare; aliàs opus non fuisset aliquas specialiter repetere, & alias omittere.

59. Q. 2. Vtrum testatore per mortem prævento propter causam aliquam ex prædictis sufficienter probatam liceat hæredibus reum ab hæreditate excludere. R. negativè, cum neque Pater possit, nisi expressâ causâ in testamento, ut patet ex *cit. Authent.*

60. Q. 3. An causa exhæredationis per pœnitentiâ delinquentis vim suâ omittat. R. contra Panorm. Sylv. & plures alios cum Covar. in cap. Raynutius n. 18. & 19. negativè; quia pœnitentia valet tantum in foro interno, non externo: ex speciali tamen privilegio vim suam amittit per professionem religiosam *iuxta cap. ult. 19. q. 3. & constitutionem Novell. 123. cap. 41.* tamen si hæc in aliquibus codicibus non reperiatur.

61. Q. 4. An sicut tacitè, vel expressè remissâ exhæredationis causâ probabilius Pater non potest amplius exhæredare filium, quia deficit causa, sic, si post factam exhæredationem culpam ingratitude remittat, testamentum annuletur propter supervenientem defectum causæ. Affirmat Bartol. L. 3. ff. de adimendis legatis, distinguit Covar. cap. Raynutius a n. 17. affirmans in expressâ, negans in tacita remissione: absolute negat

Mol.

Mol. colum. 731. sed propter querelam inof-
ficiosi peti posse rescissionem; rationem au-
tem absolutæ negationis reddit ex *L. filio,*
quem Pater ff. de liberis & posthumis, ubi ex-
hæreditato filio emancipato expressè dicitur
exhæredatio adhuc nocere, etiamsi culpa
per adoptionem in filium remittatur; ve-
rùm responderi posset, ex ratione immédia-
tè subjunctâ, ideo nocere, quia cum ad valo-
rem adoptionis requiratur, ut adoptatus non
sit filius naturalis, sed extraneus, ideo per
adoptionem invalidam non censi etiam
tacitè remissam causam exhæredationis; un-
de ego inclino in primam Sententiam Barr.
quia sicut, ut exhæredatio initio sit valida,
requirit existentiam causæ, sic etiam ut per-
severet esse valida, videtur requirere perse-
verantiam causæ.

CAPUT VIII.

De aditione hæreditatis.

62. **C**irca aditionem hæreditatis in *L. ult.*
C. de iure deliberandi sequentia sunt
constituta, scil. ut hæredes sive ab intestato,
sive ex testamento vocati post apertas tabulas
testamenti, vel cognitam succedendi facul-
tatem, hæreditatem aut intra trimestre spati-
um adeant cum onere solvendi omnia debi-
ta, & expensas funebres defuncti, omniaque
legata, ac fideicommissa exsequendi, aut a-

perre eidem renuntient, si viderint totum assem imposito oneri non sufficere. Quia verò antiquo jure majus deliberandi spatium, & quidem eodem jure Codicis *tit. eod. L. cum antiquioribus* integer annus concedebatur ad cavendum damnum hæredis, qui post aditam hæreditatem tanquam eadem cum defuncto persona obligabatur omnibus ejus creditoribus, ita ut de proprio Patrimonio, nisi militis privilegio fuerit exemptus, illis satisfacere debuerit, quando tota hæreditas non sufficiebat; ideo ut & huic periculo hæredis prospiceretur, & simul aliud periculum cave-
retur, quo faciliè fieri poterat, ut hæredes ex bonis toto deliberandi tempore penes se detentis aliqua subducerent, atque occulerent (quæ quidem deprehensa fraude in duplum restituere post judicis sententiam deberent) & deinde hæreditati velut insufficienti ad onera hæreditaria subeunda renuntiarent, utrique alio remedio, cæteris hominibus æquè, ac militibus benefico consultum est; statuendo nimirum, ut intra triginta dies post cognitam vocationem ad hæreditatem hæres inventarium, id est, conscriptionem omnium bonorum post mortem defuncti inventorum inciperet facere, & intra alios 60. dies, si bona erant præsentia, vel intra annum, si erant longè dissita, illud absolveret, quo præstitò secundum communio-
rem Sententiam teste Alvaro Valasco, nec improban-

te

De aditione hæreditatis. 81

re Mol. disp. 218. satisfit legi quoad substantiam, etiam si intra præscriptum tempus non fuerit inceptum, sicut etiam si signum crucis hæredis manu, uti præcipitur, principio inventarij non fuerit præfixum; quia idem finis obtinetur, & levis solennitatis neglectus non vitiat actum *L. 1. §. ult. ff. de inspiciendo Ventre*. Requiritur tamen etiam citatio creditorum, & legatariorum, qui in dicta lege nomine personarum necessariarum intelliguntur, ut delegatariis, vel eorum procuratoribus, aut in absentis vicem tribus testibus adhibendis significatur in *Authent. de hæredibus*, & *Falcidia cap. 2. §. fiat igitur*: quod multò magis de creditoribus vocandis, veluti expressè statutum esset, supponendum est; quia horum ad evitandum damnum, illorum vero ad obtinendum lucrum interest, ut suâ præsentia, fraudes impediunt. Præterea exigitur præsentia Pub. Notarij, seu tabellionis, aut tabellionum, si præter ordinarium aliud diversus sit necessarius, prout est, quando hæres propria manu nequit subscribere, quemadmodum debet vel per se, vel per huiusmodi alium præsentibus testibus, significans, totam hæreditatis quantitatem in ipso inventario expressam esse, & à se indiminuatam servatum iri. Quòd si igitur hæres, vel hæredes juxta præscriptam formam inventarium confecerint, conceduntur ipsis sequentia privilegia.

63. Primò ut, licet adierint hæreditatem, tamen nec legatariis, nec creditoribus teneantur ultra vires hæreditatis satisfacere: unde licet etiam aliquid de illius bonis absque hæredum culpa deperiêrit, non tenentur ipsi tamen defectum compensare. Secundò ut, si sibi aliàs non remaneat quarta pars bonorum, possint à profanis legatis, ac fideicommissis detrahere Falcidiam. Tertiò ut, si creditoribus, & legatariis secundum vires hæreditatis bona fide satisfecerint, vel ad hunc finem etiam bona quædam vendiderint, neque ipsi, neque emptores bonorum à supervenientibus creditoribus præferendis conveniri, aut molestari possint; sed actio contra legatarios, vel creditores postponendos, solummodo concedatur. Quartò, ut possint ex hæreditate deducere expensas necessarias in funus, in insinuationem testamenti, in confectionem inventarii, & alias huiusmodi causas hæreditarias. Quintò, ut possint sibi retinere solutionem suorum debitorum contra alios creditores, si aliàs ordine juris illis essent præferendi, Si autem hæredes inventarium statuto tempore non fecerint, sed fecerint tempore impetratæ prorogationis, hæreditatemque interea non expressè repudiaverint, tenentur omnibus creditoribus, etiam ultra vires hæreditatis satisfacere, quamvis non ultra eandem legata exsequi debeant, imò etiam possint Falcidiam

De aditione hæreditatis. 83

diam detrahere. Si denique neque inventarium composuerint, obligantur etiam ultra vires hæreditatis omnia debita, legata, fideicommissa, absque privilegio detrahendæ Falcidiæ exsolvere, nisi hæreditati intra definitum tempus expressè renuntiaverint, quâ renuntiatione tamen factâ debent illam integram restituere hæredibus ipsorum loco venientibus, vel creditoribus secundum eam æstimationem, quàm emissione juramenti in litē recipientes comprobaverint, posito quòd defuncti bona à renunciantibus fuerint occupata jure hæreditatis.

64. Hinc verò oritur gravis quæstio, an qui neque fraude, neque aliâ damnosâ negligentia commissâ propter solum neglectum faciendi inventarii allegatâ juris constitutione jubentur dare creditoribus, vel legatariis ultra vires, aut veram æstimationem hæreditatis, etiam in conscientia ante sententiam judicis ad hujusmodi solutionem obligentur. Bartolus & communior Sententia apud Covar. c. 1. de testamentis n. 16. negat Paulus Castrensis, & quidam alii ab eodem Covar. relati affirmant: ipse verò Covar. citans Aretinum affirmat quoad solutionem debitorum, negat quoad solutionem legatorum, ac fideicommissorum, cui ferè assentitur Mol. disp. 217. nisi quod Covar. cum primis DD. neget etiam post sententiam judicis esse obligationem dandi aliis, quàm credito-
ribus.

ribus ultra vires hæreditatis; cùm huiusmodi obligatio unicè videatur fundari in suppositione fraudis, & occultationis quorundam bonorum ex hæreditate occupata subtractorum, & sola obligatio solvendi creditoribus sit per occupationem hæreditatis ex tacito pacto suscepta, quod ipsum tamen pactum etiam neque quoad creditores à prima sententia conceditur. Circa hanc itaque opinionum diversitatem fateor, quamlibet practicè probabilem, & tutam esse, speculativè tamen loquendo existimo cuivis aliquid, neutri eorum tribui debere; primæ contra reliquas omnes concedo, per occupationem hæreditatis nullum suscipi tacitum pactum cum creditoribus; quia hæres sine eo habet jus occupandi hæreditatem sibi delatam, neque in cit. lege ullius sit mentio, adeoque ante sententiam judicis assero nullam contrahi obligationem supplendi defectum hæreditatis sive quoad debita, sive (quod Covarruizæ, & Mol. permitto) quoad legata, sive quoad falsam æstimationem hæreditatis: Post sententiam judicis verò concedo secundæ, & Molinæ sententiæ esse obligationem supplendi quoad omnia, à jure statuta: quia jus non fundatur in suppositione fraudis actualis, ut A A. primæ sententiæ, & Covarr. sibi persuadent, sed propter avertendum fraudis periculum in pœnam ex culpa saltem civili neglecti inventarii imponit obligationem ex jure

jure naturali indebitam, sed propter finem honestum justam, adeoque implendam, juxta naturam tamen legis pœnalis obligantis primum post sententiam judicis: quod enim lex modo declarata pœnalis sit, quoad obligationem solvendi ultra vires hæreditatis patet ex §. 12. & 14. *L. ult. C. de iure deliberandi*, & ex *Authent. de hæredibus*, & *Falcidia cap. 2. §. si Verò non fecerit*, in qua Novell. constitutione *cap. 4. §. quia Verò, duplex* revocatur etiam speciale militis privilegium, & ex quadam æquitate eadem poena etiam ab omnibus aliis personis, ne quidem imperiali, aut sacerdotali exceptâ exigitur.

CAPUT IX.

De transmissione, & renuntiatione hæreditatis.

65. **D**E legatis quomodo transmittantur ad hæredes legatarii dixi in cap. I. hujus disputationis: hæreditatem autem nondum aditam, neque expressè repudiatam ad suos successores transmittendi triplex jus diversis legibus conceditur, nimirum jus Suitatis, jus sanguinis, & jus deliberandi: jure Suitatis, à quo hæres suus dicitur, gaudet ille, qui tempore mortis ita in defuncti patria potestate existeret (aut per nativitatem exiturus erat, nisi posthumus esset *Instit. de hæreditatibus, qua ab intestato §. 3. in fine*) ut nul-

nullus alius prius in eadem existens interponeretur, sic habetur §. *suus* §. *ceteri instat. de hæredum qualitate*. Vnde infertur primo, nullum ascendentem, vel collateralem, vel descendentem respectu Matris, aut avi materni posse esse hæredem suum ex defectu potestatis in illum. Infertur 2. nullum nepotem, aut neptem posse esse hæredem suum respectu avi, Patre, vel Matre sua adhuc in ejus potestate existente. Infertur 3. quamvis iuxta *Authent. II 8. de hæredibus ab intestato* Genientibus cap. 4. differentia inter filios suos, & emancipatos, aut ratione Matris avo materno cum ejus filiis hæredibus suis succedentes sublata sit quoad jus succedendi, ita ut in partibus æqualibus succedant, & iisdem remediis ad eas evincendas gaudeant, non tamen esse sublatam quoad modum succedendi, ut observat Covar. regul. possess. pa. 2. §. 5. n. 3. Eman. à Costa cap. si Pater pa. 1. verbo habens n. 24. Mol. disp. 180. & hoc teste communis DD. Sententia; eo quod prædicti hæredes non Sui ante aditam hæreditatem nondum eiusdem Dominium habeant, proinde neque jure Suitatis, sed tantum jure Sanguinis, & jure deliberandi hæreditatem modò proximè explicando transmittant. Ex speciali privilegio tamen non obstante egressione ex Patria potestate jus Suitatis retinet Religiosus capax hæreditatis transmittendæ *L. Deo nobis* §. 2. *C. de Episcopis & Clericis*:
item

De transm. & renunt. hæred. 87

item Clericus ad Episcopatum eveetus *Novell.* 81, cap. 2. Idem privilegium permittitur filio adoptivo, si adoptanti, in cujus quidem Patria potestate non est, ab intestato succedat; non verò si ex testamento *L. cum in adoptionibus §. sed ne vers. Et ideo sancimus C. de adoptionibus.*

66. Iure igitur Suietatis hæreditas nondum adita transmittitur ad hæredis successores qualescunque, modò ille prius eandem non repudiaverit *L. apud hostes C. de suis, Et legitimis hæredibus L. si fratris C. de iure deliberandi.* Cujus ratio ulterior est, quia hæres suus cum eo, cuius est hæres, reputatur una persona, & ante aditam hæreditatem ad se absolute (quo modo saltem legitima deferri debet) vel sub conditione ante suam mortem impletâ delatam (ea enim non impletâ non transmitteretur hæreditas quoad excessum legitimæ conditionatæ legatum) per solam mortem defuncti acquirit dominium hæreditatis, ut habetur *L. in suis, ff. de suis, Et legitimis hæredibus, Et L. in suis ff. de Liberis, Et posthumis*: ergo hæres, sicut alia jura, sic etiam hæreditatem nondum aditam transmittit ad proprios hæredes, nisi eandem prius repudiaverit, quæ negatio repudiationis quidem non ad acquirendum Dominium, sed ad illud non perdendum, seu non alienandum necessaria est: Vnde medio tempore, quo hæres suus neque adit, neque rejicit hæreditatem, ad-

adhuc retinet ejusdem Dominium, neque respectu hæredū suorū sicut respectu extraneorum, adri potest hæreditas jacens, ut Bartol. & Mol. allegans comunem sententiā, clarè probat ex *L. si post mortem in prin. ff. de legatis 1.*

67. Jure Sanguinis hæreditatem nondum aditam, ab ascendentibus sive per lineam paternam sive maternā convenientē hæres transmittit ad suos duntaxat descendentes, non autem ad ascendentes, & collaterales *L. unica C. de his, qui ante apertas tabulas*, quæ lex, licet videatur tantum concedere jus transmittendi hæreditatem ex testamento delatam; extenditur tamen à Gl. ibidem, & communi DD. Sententia etiam ad hæreditatem ab intestato devolutam, & ut observat Mol. ita universaliter intelligenda est, ut etiam ad descendentes illegitimos tam spurios, quàm naturales, secundum eas portiones, in quibus isti succedere possunt, transmissionem hæreditatis indulgeat.

68. Jure deliberandi hæreditatem neque tacitè, vel expressè aditam, neque repudiatam, quilibet hæres, sive descendens, sive extraneus, ad suos quantumvis etiam extraneos successores à *L. cum in antiquioribus C. de iure deliberandi*, eatenus transmittere sinitur, ut intra annum, computandum à die, quo cognovit hæreditatem sive ex testamento, sive ab intestato ad se delapsam, quo adeoque temporis ad deliberandum concessi initium factum

factum est, possint proprii hæredes ipsius relictam hæreditatem adire, eâ verò non aditâ jus ad hæredes ab intestato, vel ad substitutos deferatur, quod ad eosdem etiam deferendum Mol. disp. 180. ex dicta lege cum Anton. Gomez, to. 1. Var. Resol, c. 9. à num. 51. & communi Sententiâ ab eo allegatâ colligit, quando hæres aliâs transmissurus propter inexcusabilem ignorantiam delatæ sibi hæreditatis annum deliberandi ante suam mortem nondum inchoavit, si autem ignorantia rationabilis, præsertim in Reipublicæ utilitatem cedente causâ, excusabilis esset, ait, concessum iri hæredibus, beneficio deliberationis destitutis, privilegium restitutionis in integram *L. Pannonius in prin. ff. de acquirenda hæreditate, & L. 1. ff. ex quibus causis maiores.*

69. Q. An prædicta lex concedens integrum annum deliberationis, etiam si non petatur à principe, per *L. ult. C. de iure deliberandi*, non revocata sit. Mol. loc. cit. & *Gl. ult. in hanc legem ultimam* docet, partim tantum esse revocatam, quatenus nimirum §. 13. conceditur magistratui jus restringendi integrum annum ad 9. menses, quâ tamen restrictione seclusa, asserit, relinqui adhuc integrum annum deliberandi etiam non petentibus. Ego tamen puto, spectando legis ultimæ §. 1. & 13. rigorem, revocari concessionem integri anni, quia in primo §. expres-

sè

sè trium mensium spatium determinatur, quo post cognitam vocationem ad hæreditatem, eam repudiare liceat: & §. 13. non conceditur potestas restringendi annum ad 9. menses, ut vult contraria sententia, aliàs major concederetur potestas magistratui, quàm eius principi, cui ibidem annus assignatur, quiq; proinde etiam frustra eidem assignaretur, quia in ipsa *L. cum in antiquioribus*: tempus deliberandi jam est restrictum ad unum annum, conceditur ergo potestas, tempus in §. 1. ad tres menses restrictum rursum extendendi ad novem menses per magistratum, & ad integrum annum per principem, cui proinde major potestas debetur.

70. De renuntiatione hæreditatis non multum dicendum occurrit: si enim fiat intuitu religionis ingrediendæ, patet ex dictis c. 4. quomodo sanctione Concilii *Trid. Sess. 25. cap. 16.* irrita reddatur: si autem non fiat intuitu religionis ingrediendæ, tunc iterum distinguendum est; vel enim fit à filio, aut filia adhuc vivente testatore obligato relinquere legitimam, vel fit eo mortuo: in primo casu renuntiatio legitimæ, nisi juramento firmetur, ipsi testatori sive gratis, sive non gratis præstita, invalida est, ut constat ex *L. pactum dotale C. de collationibus L. qui superstitis ff de acquirenda hæreditate, L. ult. de suis, & legitimis hæredibus, L. si quando §. illud, C. de inofficioso testamento*, periculum enim esset, ne impru-

De transm. & renunt. hæred. 91

prudenti amore parentum; & importunis eorum precibus, filii frequenter cum reipublicæ damno hæreditariis bonis se privarent: alteri verò, quàm testatori præstita sine eiusdem consensu, iterum invalida est, & secundum Baldum approbatum à Card. Tusch lit. T. concl. 151. ac Palaum disp. 2. de juramento pu. 9. §. 6. n. 4. etiam illicita atq; ad impediendam captationem mortis testatoris *L. ult. C. de pactis* prohibita, adeoque juramento secundum ipsos in confirmabilis, de consensu autem testatoris rata habetur *citata lege ult. Et L. si quando. C. de inofficioso testamento.* ubi duo etiam observantur, primò circa renuntiationem legitimæ eodem modo discurrendum esse in aliis personis, quibus querela inofficiosi testamenti conceditur, sicut in filiis: secundò renuntiatione in alterius gratiam ex pacto factâ sive ante, sive post mortem testatoris, convalidari testamentum inofficiosum, etiam si nulla exhæredationis causa in illo sit expressa, ut etiam advertit Iul. Clar. q. 43. Mol. disp. 175. & hoc teste AA. communiter, etiam propter legem *non putavit § si quis sua manu ff. de bonorum possessione contra tabulas.* In secundo casu, quo ponitur post mortem testatoris renuntiari hæreditati, quavis antiquo jure non fuerit permissum hæredibus Suis abdicare se hæreditate Paterna, dictique fuerint hæredes necessarii, non tamen quia

quia necessario scribendi, quàm quia etiam cogendi erant adire hæreditatem, & satisfacere creditoribus, postea tamen jure prætorio, ut habetur §. 3. *Verf. necessarij* Verò *instat. de hæredum qualitate*, omnibus permissum est, abstinere ab hæreditate, cum eadem se gravatos viderent.

C A P U T X.

De exsecutoribus testamentorum.

71. **S**l à testatore, vel à lege, vel à judice, nullus, vel nulli exsecutores constituantur, qui à triplici illa diversitate constituentium, vel testamentarii, vel legitimi, vel derivi dicuntur, hæredibus incumbit exsecutio cæterarum dispositionum, exceptis legatis ad redemptionem captivorum, & ad sustentationem pauperum, juxta *L. si quis ad de linandã C. de Episcopis & Cleric. & Authent. 131. de Ecclesiasticis titulis c. 11. §. si quis autem pro redemptione*, quæ proinde legata Episcopo deberent tradi, ut ipse ea distribui secundum defuncti voluntatem curaret. si autem unus, vel plures constituti sint exsecutores, sive universales, qui nimirum de tota hæreditate disponant, eò quòd neque ab intestato, neque ex testamento aliquis particularis hæres, sed solum pia causa in genere nominata succedat, sive particulares, qui legata, fideicommissa, & similes hæreditati annexas dispositiones exsequantur, tunc illis exsecutoris potestas

De exsecutorib. testament. 93

testas competit, nisi lege prohibeantur, hoc officium in se suscipere, uti prohibentur fratres Minores *Clement. ex vi de paradiſo §. Verum etiam de Verborum ſignificatione*, & cæteri Religioſi, quamdiu illorum prælatus non præbet conſenſum *cap. Religioſus de teſtamentis in 6.* ac denique quotquot 16. annum nondum compleverunt, *cap. qui generaliter §. ult. de procuratorib. in 6.* reliqui autem, etiam fœminæ, licet ſint defunctorum uxores, ad ſecondas nuptias tranſgreſſæ, juxta *cap. 3. de teſtament.* & *legem à filio in p. in. ff. de alimentis legatis* exſecutores eſſe permittuntur, ſi velint id muneris in ſe ſuſcipere; non enim tenentur per ſe loquendo, niſi poſtquam illud acceptârunt, exercendo eius actum, ut conſtat ex *cap. Iohannes de teſtamentis iunctâ Gl. Verbo mandatum.*

72. Quod ſi tamen quiſpiam officium recuſaret, hoc ipſo amitteret præmiũ, ſi quod à teſtatore ei ſub conditione, vel modo tanquam exſecutori eſſet aſſignatum, illudq; vel exſecutori ſubſtituto, vel aliis coëxſecutoribus cum laboris augmento accederet *L. unica §. ubi autem 11. C. de caducis tollendis*, vel in illorum etiam defectu ad hæredes reverteretur, & ſi neque rationabilis cauſa recuſantem à culpa ſaltem civili excuſaret, in poenam privandus inſuper eſſet omnibus reliquis hæreditatis emolumentis exceptâ ſolâ portione legitimâ, ipſi forſan tanquam hæredi

E

ne-

necessario debitâ: Cui verò illa emolumenta, nempe excessus supra legitimam, legata, fideicommissa &c. adiudicanda forent, ex iudicis diversitate decernendum est: quia enim, ut ultimæ voluntates executioni mandentur, est fori mixti, adeoque locus præventioni datur, & procuratio executionis, tam ad Episcopum spectat, saltem si hæres, aut legatarius est pia causa, ut patet ex *cap. si hæres, cap. tua nobis, cap. Ioannes de testamentis, & ex Novell. 131. c. 11.* quam ad magistratum sæcularem, ut constat ex *Novell. 1. de heredibus, & Falcidia cap. 1. §. si quis autem* ubi magistratui sæculari Imperator Iustinianus modum procedendi in executione hæreditatis, & puniendis negligentibus præscribit; ideo si causa ad forum Ecclesiasticum sit deducta, debent præter faciendam Dominis suis compensationem damni, ex dilata executione emergentis, prædicta emolumenta per Episcopum, vel, si iste negligens sit, per Metropolitanum ad pios usus applicari, ut statuitur in *cit. Novell. 131. c. 11.* si autem ad forū sæculare res sit delata, debent eadem emolumenta hæreditati admisceri, ut *cit. Novell. de heredib. & Falcidia cap. 1.* dicitur, quæ omnia sub hac conditione intelligenda sunt, nisi testator aliter suam voluntatem expressit. Prædictam pœnam executores incurrunt, non tantum si sine rationabili causa executionem recusent, sed etiam si ultra præscriptum tempus

pus eandem semel, atque iterum ab Episcopo, vel magistratu per publicas personas admoniti ex negligentia differant, ut statuitur memorato *cap. 11.* tempus verò præscriptum illud est, quod vel testator determinavit, vel si indefinitè locutus est, quod à lege, vel iudice fuit definitum, à lege quippe pro dispositionibus ad causas pias in *Novell. 131. cap. 12.* constituti sunt sex menses à die factæ, &, ut Mol. disp. 251. addit, etiam cognitæ insinuationis testamenti, non computato tamen eo tempore intermedio, quo quis legitimè fuit impeditus: pro dispositionibus profanis verò præfixus est annus in *Novell. 1. cap. 1. §. 1.* sed hæc temporis assignatio facta est tantum pro foro externo, ut contra negligentem ad infligendam poenam procedatur, in foro interno enim, si quis acceptato exsecutoris munere, vel non procurato alio exsecutore, absque iusta causa executionem distulerit, peccat juxta proportionem damni, ex quacunque mora post aditam hæreditatem legatariis ac fideicommissariis illati, atque ex justitia illis compensandi.

73. Q. 1. quæ sit exsecutorum potestas &, primò, posse agere adversus hæredes, vel alios defuncti bonorum possessores ad implenda legata pia juxta *L. nulli legem, si quis ad declinandam C. de Episcopis, & Clericis juxta Gl.* ad profana autem, neque sibi, sed aliis legata, licèt non possint agere juxta *L. Lucius*

§. Mabia ff. ad S. C. Trabellianum posse tamen invocare officium iudicis adversus resistentes suæ executioni *L. hereditas 50. ff. de perissone hereditatis*. Secundò si sint executores universales, posse vendere bona defuncti, ut ejus voluntatem impleant. *L. Nulli C. de Episcopis, & Clericis*, secus, si sint tantum particulares *L. alio ff. de alimentis legatis*. Terriò, quando plures sunt constituti, altero impedito, vel nolente executionem facere, posse reliquos exsequi voluntatem defuncti *cap. Religiosorum §. ult. de testamentis in 6.* Quarto, posse relicta in eleemosynas pauperum indeterminatorum (per quos, ut observat Laym. ex Palud. communiter non intelliguntur communitates ex stabilibus eleemosynis viventes) illis distribuere, quibus ipsi volunt, modò distributio fiat in loco, ubi defunctus domicilium habuit, nisi illud ignoretur, vel multum distet: *L. si quis ad declinandam C. de Episcopis & Clericis*; tunc enim facienda est in loco, ubi mortem appetiit, *L. nulli C. eod.*

74. Q. 2. quando res legata à testatore non fuit sufficienter determinata, à quo & quo modo in ejus actuali executione sit determinanda. Rectè observat Mol. disp. 198. difficilem esse responsionem propter jurium, & jurisperitorum variationem; ipse tamen multiplici distinctione utendo difficultatem non parum videtur mitigare: itaque tam ad rem legatam, quam ad modum ligandi at-

ten-

De exsecutor. testamentor. 97

tendendo distinguendum est, an testator usus sit terminis generalissimis, qui etiam in re nullius momenti verificentur, vel an usus sit terminis certæ tantum speciei infimæ, vel subalternæ quidem, sed utili solum applicabilibus: si primum, quod tamen videtur vix unquam contingere, ut v. g. legans in genere dicat: detur Petro res, vel aliquid; legatum est inutile, ac nullum, *L. ita stipulatus 115. ff. de Verborum obligationibus*: quod etiam intelligendum est de numero, pondere, & mensura, generalissimè assignatis, v. g. si testator dicat: detur pecunia, lana, triticum, quæ voluntas in quavis minima quantitate impleatur, adeoque propter suam inæstimabilitatem jure civili nulla est *L. triticum 94. ff. de Verborum obligationibus*. secundum æquitatem Canonicam autem putat Laym. Pii viri arbitrio quantitatem utilem, & æstimabilem dandam esse. Si secundum iterum distinguendum est, an res sit naturalis, vel arte facta, & an testator verbis ad legatarium, vel ad hæredem, aut exsecutorem directis voluntatem suam expresserit: si ergo res est naturalis, adeoque à natura perfectionis suæ limites habens, v. g. si legetur pecus, jumentum, vel bos in specie, tunc si in Patrimonio testatoris extet huiusmodi legatum, secundum gradum bonitatis infimum, meliorem, & Summum, & verba ad legatarium sint directæ: v. g. lego Petro bovem; electio est penes

legatarium, modò non eligat optimum *L. legato generaliter ff. de legatis 1. §. si generaliter 23. instit. de legatis*. Si autem in nullo gradu bonitatis extet res legata in Patrimonio testatoris, legatarius nullum habet jus eligendi, hæres tamen debet emere rem non infimæ bonitatis *L. huiusmodi §. si cui homo iuncta Gl. ff. de legatis 1. Et alia Gl. in L. si quis, argentum C. de donationibus*. Si in duplici tantum gradu bonitatis, res extet, legatarius verbis ad ipsum directis institutus potest eligere meliorem, adeoque comparative optimam *L. qui duos ff. de legatis 1.* si unica res extet, eam fuisse legatam credendum est, vel alia ejusdem bonitatis substitui debet: deducitur ex *L. si domus in prin. ff. eod. L. 3. ff. de rustico, vino, Et oleo legato*. Vnde si res legata pereat, legatario perit, quia testator de suis rebus censetur legasse, & jus in legatarium transtulisse, ut observat Mol. ex Ant. Gomez.

75. Quòd si res legata sit arte facta; & ab illa fines, ac terminos bonitatis habeat, tunc nisi optio à testatore sit legatario permessa, hæres è pluribus extantibus potest eligere infimam, non tantum si immobilis sit v. g. domus, prædium, sive urbanum, sive rusticum, sed etiam si mobilis, *L. legato generaliter §. Gl.* Et quamvis communior sententia Bartoli, Panor ac aliorum excipiat legata pia, in quibus existimat non quidem optimum, sed melius infimò dandum, cò quòd in *L. Triasta-*

De exsecutor. testamentor. 99

Testamento §. Si ea ff. de auro, & argento legato
 hæres à testatore rogatus facere signum Crucis ex liberis 100. jubeatur facere ex argento; Mol. tamen secutus Baldum Decium, & alios à Covar. cap. indicante de testamentis n. 5. relatos, quibus accedit Laym. lib. 9. tract. 5. cap. 11. n. 9. Sanchez lib. 4. Moralium c. 13. n. 8. & cap. 15. n. ult. tum ex hac ipsa lege, tum aliis rationibus ostendit, etiam in causis piis satisfieri electione rei infimæ, servata tamen proprietate verborum, communi usu, ac reliquis circumstantiis: nam cum in illo templo, in quo signum crucis fieri debebat, non aliæ imagines, quàm aureæ, & argenteæ essent, per declarationem, ut fieret crux argentea, jam concedebatur electio rei infimæ comparatione talis loci. Idem colligitur ex cap. *Ex parte de censibus*. ubi explicatur votum de minima tritici mensura solvenda, non de media aut maxima. Ratio autem disparitatis, quare in rebus, habentibus terminum perfectionis ex natura, debeat dari res melior infimā, non item in habentibus terminum ex arte, videtur à jure hæc observata esse, quod nempe facta per artem, & industriam humanam, sicut habent perfectionem suam ex hominum arbitrio, sic etiam magis sint subiecta determinationi eius, qui eorum dispositionem exsequitur. Cæterum in artefactis etiam aliqua observanda est differentia inter mobilia, & immobilia; si enim legata res im-

mo

mobilis v.g. domus, prædium non extat in bonis à defuncto relictis, necesse non est eam emere, vel dare ejus valorem, nisi testator id exprefferit, sed legatum censetur nullum *L. si domus in prin. ff. de legatis 1.* si verò res mobilis non extet, necesse esse hujusmodi emere, vel dare illius pretium, contra alios multos rectè asserunt Paulus Castrensis, & Mol. propter legem *Titia testamento §. 1. ff. de auro, & argento legato.* Ratio disparitatis videtur esse, quia testator faciliùs bona sua immobilia creditur numerata, & cognita habere, quàm mobilia, ergo si quidpiam legavit, non extans in bonis suis, in priori casu supponimus, ad redimendam vexationem legatarium voluisse deludere, in posteriori verò seriò voluisse affectum suum legatario exhibere, licèt fortè ex errore processerit, qui tamen non immutat voluntatem æquivalens legandi.

76. Q. 3. An exsecutor possit per epikeiam, vel interpretationem mentis testatoris aliquando mutare eius ultimam voluntatem. R. Distinguendum esse, utrum mutatio fiat in circumstantia temporis per illius à testatore designati præventionem, vel in substantia finis per applicationem rei legatæ ad alium usum, quàm à testatore constitutum. Si itaque tempus executionis solum præveniatur, v.g. si eleemosyna post sex menses à morte testatoris distribui jussa priùs distribuatur, cfr. Bartol. *L. cum Pater §. filia ff. de legatis 1.* & mul.

& multi alii à Covar. cap. tua nobis de testamentis n. 5. relati negent id fieri posse absque præjudicio tum voluntatis testatoris, tum pauperum, quibus quasi jus ad eleemosynam præ aliis pauperibus, prius eam accipientibus, quæsitum est, rectius cum Decio, Panor. Covar. citante plures alios, & Mol. disp. 249. affirmatur, quòd, quando aliunde non constat, testatorem intendisse specialem finem per executionis dilationem, possit tempus ab ipso determinatum præveniri, quia tunc tempus supponitur præscripsisse non tanquam terminum, ad quem sit protrahenda, sed ultra quem non sit protrahenda exsecutio: unde in *L. post mortem C. de fideicommissis* indubitatum esse dicitur, hæredem jussum curare, ut pars hæreditatis post suam mortem restitueretur alteri, posse illam restituere ante suam mortem. Ex quo patet solutio oppositæ rationis; negatur enim in casu priori posito voluntatem testatoris negligi, vel propriè mutari: ex quo proinde sequitur, neque præjudicari juri pauperum, utpote qui nullum habent, neque etiam lex à Bartolo allegata adversatur datæ responsioni, quia ibi filia testatoris jussa post mortem illius prædia alicui filio suo, seu nepoti testatoris tradere, quem ipsa elegerit, dicitur invalidè tradidisse ante mortem, eò quòd testator intenderit, dilationem electionis, ut cum majori deliberatione, & prudentia fieret.

77. Altera mutatio, qua fini immediato, honesto, ac possibili à testatore intento substituitur alius, quantumvis melior, neque expressè designatus, neque secundum exsecutoris, & Episcopi sententiam rationabiliter præsumptus, quòd scil. testator ipse, si adhuc viveret, & circumstantias easdem cognosceret, rem suam vellet eidem procurando applicare, adeò ex communi DD. consensu est prohibita, ut etiam suadente rationabili, sed non summè necessaria causa, neque exsecutor testamenti, neque magistratus Domino supremo inferior illam facere permittatur, ut constat *ex cap. Tua nobis, cap. quia nos de testamentis, cap. ultima voluntas 13. q. 2. Clement. quia contingit de religiosis domibus*, ubi ex rationabili causa facienda mutatio ultimarum dispositionum ad causas pias soli Summo Pontifici reservatur, sicut mutatio dispositionum ultimarum ad causas profanas Principi sæculari Supremo *L legatum iunctâ lege 1. ff. de administratione rerum ad civitatem pertinentium*.

78. Imò etiam impetratâ à Pontifice commutationis facultate debet nihilominus Episcopus loci causam prætentam, utrum rectè allegata sit, extrajudicialiter cognoscere, ut statuitur *in Trid. Sess. 22. c. 6. de refor.* Itaque seclusâ prædictâ rationabili præsumptione, vel concessione humanæ potestatis.

testatis, debet exsecutio testamenti præstari secundum expressam voluntatem testatoris, quantum fieri potest, ita ut si omnino, & perfectè eam servare sit impossibile, mutatio cum consensu tam exsecutoris, quàm Episcopi, vel iudicis in causis profanis, fiat in aliud proximè ad eandem accedens, v. g. si legatur pecunia ad ædificandam Ecclesiam in loco à testatore designato, in quo ædificari non potest applicetur pecunia non ad quamvis aliam piam causam, sed ad ædificandam Ecclesiam in alio loco ab exsecutore, & Episcopo designando: colligitur *ex cap. 3. de testamentis* cum Panormit. ibidem n. 6. & Covarr. n. 9. & Mol. disput. 249. consentit etiam *L. legatum de usufr. legato.*

79. Vnde legatum ad pias causas nunquam sit caducum in tantum, ut hæredibus accedat; sed si non possit prodesse animæ testatoris modo ab ipso statuto, profit alio; & sic etiam de legatis profanis dicendum juxta citatam legem, v. g. si testator ad sui memoriam relinquendam jussit aliquid fieri, fiat eo reddito impossibili aliud ad eum finem conducens, nisi constaret eum intendisse aliquem finem particularem ita determinatè, & imòbilitè, ut per nullum alium ei satisfaceret; tunc enim legatum tale hæreditati accresceret, quod in causis piis nunquam supponendum est.

104 Cap. X. De execut. testam.

80. Hæc ex jure communi scripto, salvis contrariis consuetudinibus, & juri- bus privatis, de ultimis dispositionibus dicta volumus ad laudem illius, qui Ps. 88. v. 4. san- ctè omnibus asseverat: *Disposui testamentum electis meis,*

F I N I S.

